

# *IPENGA NGA LYALILA ICILILELILE*

 Natotela nganshi, Munyina Demos. Ninsambu ishipelwe ishikalamba nganshi ukuba muli kuno ukulongana kwa bena Kristu muli ino inshita yabushiku, muno mucalo camenshi makasa. Kibili Nacituma lamya kung'anda, pakashita akapita, kibili nakukabapo pamadigri amakumi yabili, kulya kumulu ku Kapinda kakukuso, ukucila ifyo kuli kwisamba kuno. Nacilinga ukuleta cilya pamo na ine. Nalaangufyanya ukufuma nokubwela nakabili, bwangu bwangu. Ifilimwa fyonse nafikosa kumenshi makasa. Cinshi ico uletontonkanya pali ico, Creechy? Kwena naku...[Munyina atila, "Nakutalala."—Kale.] Kwena mucine efyo kuli.

<sup>2</sup> Kibili ndi uwansansa nganshi pakukumanya uyu kakumba musuma, muno bushiku, nokumona imwe mwe bantu. Nacifikafye, nomba line. Mfumine ku Tucson, uko Naciya ileelo. Naenseshe mailo ubushiku, nokufika nalimo tuu-sate muno lucelo, kulya ku Tucson. Kibili nshilelepo akasuba konse, kulya. Kibili nafuminefyne pakashita akanono...Ukuba, Nacifika, nkokwelefye nalimo ora na citika, Ndemonia, icintu icaba ngefyo, kumulu kuno. Kibili eico Ndlefye panono. Lelo Nalaesha ukukana lala pano. Lelo tuli—tuli abansansa ukuba pano.

<sup>3</sup> Uyu mulumendo umunono, uuleangala nefyakulandilamo kuno. Nalikele kunuma kulya, pali...cimo icipuna ca bana abanono. Umulumendo umunono alishile, andoleshe ninshi napapa nganshi. Natile, "Ifwe bonse fwebana kuti twaikala capamo, bushe tekuti tucite ico?" Nomba, mucine Nalibatemwa aba abana banono, nakuba.

<sup>4</sup> Kibili cena cili, oh, cena cisuma nganshi ukuba pano muno bushiku, kibili nokukwata ili bumba ilisuma ilya bantu abemining mumbali. Kibili Ndesubila nomba ukutila Munyina Williams namyeba bonse palwa, kibili Munyina Rose pano, palwa misonkano iileisa. Ndecetekela namwishiba bwino bwino palwa ico. Ukuba ku Ramada, ukufuma pano, imisonkano yaba Shimakwebo Abaume. Kibili tulesubila ukukwata inshita iikalamba kulya. Munyina Velmer Gardner, umusuma kashimikila uwamaka na bakapyunga bambi; Oral Roberts nabengi, bakaba kulya. Kibili tulesubila ukukwata inshita iisuma muli Shikulu.

<sup>5</sup> Ndesubila, shimo muli ishi nshita, lekeni tukakwate ukulongana kwa kundapa muli ilya ncende. Uh-huh. Kuti nafwaya ukusenda Munyina Oral, nokwisaba bonse capamo. Ee, mukwai. Bushe ico tekuti ciwame? Ico kuti caba i—icacine icakwingilamo kuli ico, bushe tekuti cibe ifyo? Ukulongana

kwakundapa, kulya kwisamba ku Ramada, ico kuti cawama. Ifwe... Eico nalimo kuti twacita ico, namwishiba. Shikulu nalimo kuti atupela ico kuli ifwe, ukukwata ukulongana kwakundapa. Eico tuli... Ukuya ukushinguluka nomba, ukufuma kuchalichi ukuya kuchalichi, ukwesha ukusalanganya imbila ishisuma, kibili ukwampana umo no munankwe, kibili nokukwata isenge mumachalichi yonse ayapusana pusana. Ico eco twacetekelamo, ukutila twaba umo, muli Kristu.

<sup>6</sup> Nalelanda ubushiku bumbi na dokota. Ndeipekanya ukuya kufyalo fyakutali, kibili uwile wakwata ukupimwa kwa mubili. Eico Naile mukupimwa. Kibili ena ambikile pali cimo icaulya... Ine... Mwinjipusha ifyo cena cili. Kibili asangile icintu cimo iceni. Kibili aishilebwela kibili alifililwe ukwishiba bwino, kibili aishilekwata akabungwe kaba dokota, kibili ena alifililwefye ukwiluka ico. Atile, "Nshatala monapo ico nakalya." Kibili nomba anangile icikope caico, ukutila amatontonkanyo tukwata ayo tuposako amano, kibili iwe walikwata namatontonkanyo ayo tutontonkanya ukwabula ukuposako amano, kibili yena yafwile yaba ayatalukana nganshi ukufuma kuli limo nelinankwe. Lelo ena amwene ukutila yonse yabili yalifye capamo. Atile, "Iwe uli muntu uwaibela nganshi."

Natile, "Ine lyonse nalisthiba ico. Umuntu onse alishiba."

<sup>7</sup> Atile, "Ifwe tatwatala monapo ico." Eico ena atendeke ukunjeba palwa cena.

<sup>8</sup> Natile, "Ukuba," Natile, "nawishiba, Ndemona Shikulu musuma, ilyo Atupanga, Alatupanga abapusanako. Ifwe tatumoneka nga umo nomunankwe, kibili eico inshita imo ifwe tatusita ifintu kwati ni umo nomunankwe. Lelo—lelo Acilenga kuli Ena... Inshila Yakwe umwine iya kucipangilamo. Tuyafye mulici mashini icikalamba ica kubumba, kibili twikalefye shilili, Ali nokutubumba mumusango Alefwaya ifwe ukuba."

<sup>9</sup> Kibili Nsha—Nshaishiba nangu umo uwingafwaya ukuba icintu icili conse kanofye ifyo mwaba. Icintufye cimo ico ifwe bonse twingakabila... Panuma yakupusuka nokuba abana bakwa Lesa, icintufye ceka ico tulefwaya kwenda ukupalaminako panono cila bushiku. Ico eco tukabila, lilya isenge ilikalamba. Ifyo cawama! Bushe kuti mwaimininna nokutontonkanyafye ifyo twingacita nga cakuti tatwakwete cilya? Cinshi—cinshi... Nga cakuti lilya isubilo ilikalamba talyatushishe muli ifwe, nicinshi ico twingacita?

<sup>10</sup> Nacilatila, muli imo chalichi, lekeni Ine... Intanshi, incende imo, elyo imbi, kibili ukushinguluka icalo Ndalandia inshita shimo, kuti Nabwekeshapo muno mwine muchalichi. Lelo Nalefuma mucikulwa umo Nacilambalike mukukosa, palwa bantu abashana uku kushana ukupya, uko beta sinjonjo, nangu icintu cimo. Kibili Natile, "Nshaishibafye, ifyo isonde,

abantu bafwaya ukukontola amolu yabo kabili—kabili ifyo bacitila filya.”

<sup>11</sup> Eico, kwaliko umulumendo, nalimo amakumi yabili na mutanda, imyaka ya kufyalwa amakumi yabili na cinelubali, alinkumenye kunuma, atile, “Imimonekofye pakashita akanono, Mista Branham.”

Natile, “Ee, mukwai?”

Atile, “Namewishiba, tawakutulukafye.”

Natile, “Ukusubila kwandi kwakuti Ine nikacita ico.”

<sup>12</sup> Eico atile, “Mwamona,” atile, “Ndemonia ifyo wimininepo.” Atile, “Iwe uli muntu nemyaka yakufyalwa amakumi yasano. Lelo nga wakwete imyaka yandi, kuti caba icapusana.”

<sup>13</sup> Natile, “Loleta pali miniti.” Natile, “Naleshimikila i Mbila nsuma ilyo Nali nemyaka ikumi limo umwaiceko pali iwe. Ncili nalicetekela ilya Mbila nsuma imo ine. Nalisanga icasenda incende, kabili insansa ishingi ukubombela Shikulu ukucila ifintu fyonse ifyo ciwa enga panga apali ponse.” Cena ni . . . Cena cilapela insansa.

<sup>14</sup> Namewishiba, Davidi atile, inshita imo, “Ngefyo insebulia ikabila impito sha menshi, umweo wandi efyo ukabila Imwe, O mwe Lesa.”

<sup>15</sup> Kabili nga mwalitala amumonapo imo patwana utunono, ilyo ena a—ena kacenekwa, limbi imbwa shalikekata, nokuputula iciputulwa icikalamba ukufuma kulubali lwakako, nangu icintu cimo. Kalesuma umulopa. Kabili, yena, imbwa kuti yakakonka. Yena tayaba ngo muntu. Kabili yena kuti yalunga ilya nsebulia nga cakutila yena illesuma umulopa nangu iyo. Kabili eico inshilafye imo . . . Nga ilya nsebulia ilesuma umulopa, umusangofye yena ingatala ukuba nomweo cali ukufika uko amenshi yaba. Kabili nga cakuti kuti yafika ukuli amenshi, yena kunwa yalya amenshi. Yena ili nokuleka ukusuma umulopa, kabili—kabili yena kuti yabutuka. Yalicensela nganshi.

<sup>16</sup> Lelo nomba kuti mwaelenganya, ukumona imo patwana utunono natucenekwa nokusumo mulopa, kabili ifyo yabikile umutwe wakwe unono pamulu, kabili amano yonse eyo yakwata ukewishiba uko amenshi yali, nomona waiko. Ukubafye, yena ilingile ukusanga amenshi, nangu ukonaika. Kabili nomba cena mweofye nemfwa, kuli yena. Ena, konse—konse—konse akafungo eco ikwete, ileesha, ukufuluka. Afwile ukuisanga.

<sup>17</sup> Nomba, ulya e musango tulingile ukukwatilamo icilaka cakwa Lesa. Mwamona? “Ngefyo insebulia ikabila impito sha menshi, umweo wandi ukabila Imwe, O mwe Lesa.” Ube uwafisama kuncende imo Nankwe, ekukabila kwamutima wandi. Kabili Nincetekela ukutila ico ekukabila kwabantu bonse abali muno.

<sup>18</sup> Kibili nomba, ubushiku nobushiku, kibili Nalitemwa ukumona ici. Ifinso ifyo mumona pa cifulo cimo, mulabamona nakumbi. Na—Nalitemwa ico. Imwe ukulangisha isenge lyenu, nokulangisha ifyo twaba muno.

<sup>19</sup> Kibili, oh, Ine mucine kuti natemwa ukumona ukupuputulwa ukwa nshita ya kale mu Phoenix. Oh, owe! Lilya ishiwi *Phoenix* lyansansamusha ukutula pa nshita yakubalilapo iyo Nalibelengelepo, palwa cena: Phoenix, Arizona. Owe, umulumento umunono, Natontonkenye ukutila, “Nga cakutila kuti Nafika pali cilya icifulo! Nga kuti Nafika kulya, ku Phoenix!” Kibili nomba ukucimona, kibili ilyo ifwe tuli pano tulesanga cena ukupelela mukushika kwa lubembu, nga filya incende shonse ishashala, abeni bafilengwanalesa baleisa; kibili ukunwa, balekumbatana, imicitile iyabipa, fyonse ifilipo.

<sup>20</sup> Lelo, libe, pakati kaifyo fyonse, ulesanga amabwe yauma umutengo ayo Lesa asunkenye ukufuma muciswebabe muno, abo abalebalika mu cilongwe ca bantu aba bukata bakwa Lesa. Kibili ico eco Mbelele pano, muno bushiku, kukuibika nemwine kuli imwe bamunyina naimwe bankashi, ukwesha ukusanika Ulubuuto lwakwa Shikulu Yesu kuli bambi, pakutila bengasangwa, nabo, muli uku kutenshiwa ukukalamba. Kibili abengi muli bena bali kunse kulya nomba. Ndi uwansansa pali ico. Kuliko nabambi abacili baleisa, kibili tulingile ukucita ifintu fyonse ifyo twingacita ukubatwala kulya, nokwikala umweo uyo uli nokulangisha Kristu.

<sup>21</sup> Nomba, ilyo tatulabelenga isambililo ilinono ilya Malembo... Nalicelwa icine icine Nalilembeleko ifyakubelenga finono, muli ba miniti yasano. Kibili nabamusonko wabuteko, nabantuminako ifyakwisushamo ifyacilamwaka, Nafisendelefye bwangu bwangu, kibili filingile ukudindwapo stampa, Ndetontonkanya, nalimo ileelo, nomba. Kibili eico Ningile ukuya kwi ofeshi lyakutuminapo amakalata. Kibili ilyo Naingile, Billy atile, “Ulingile ukwangufyanya.” Kibili eico pano...

<sup>22</sup> Naleshingulukafye, nokushinguluka, ukushinguluka, nabo abalumendo. Owe, oh, owe! Bena balanda palwa kupingula pafibi fya mu ng'anda yamafunde. Ndesunguka apo bwabela. Ee. Nshatala monapo ifya musango uyo. Kibili balefwaya ukuti ndipile umusonko pali ba ceke abapelwa kuli ine mumyaka yapitapo amakumi yasano, kibili nokulipila inkongole shamisonkano, nefyakulundapo, mwamona, amadola amakana imyanda itatu amakumi yasano na yasano.

<sup>23</sup> Natile, “Ndasenifye.” Musango nshi Ningatala cita ico? Natile, “Nshikwete ama senti amakumi yasano na yasano.” Natile, “Kuti Nacitapo shani ica musango uyo?” Kibili bena nabampanika icine cine pamyaka isano.

<sup>24</sup> Eico, pa bantu ukubikwamo. Kwati, natukwata umusonkano, kibili—kibili abantu, bena baishibafye ukutila ishina lyandi nine William Branham, balembafye ceki palwa kulipila ifileposwapo. Ba kypyunga ebasakamana pali ico. Nshatalile mpokapo umusangulo mu mweo wandi. Kibili eico bena babula... Nda kwata a—amalipilo ukufuma muchalichi candi, ama dollar umwanda umo pa mulungu.

<sup>25</sup> Kibili uyu musangulo... Lelo cila umo, mwamona, ukutila babika mu... Kibili ulucelo lwakonkelepo, u—u—u—umo uyo uwali intungulushi yebumba lyabamona pafyakubomfyia indalamu, ena kuti aisa kulya nokutila, "Munyina Branham, ulingile ukusaina pali aya ma ceke." Kibili, mulandu nshi, Nalesainapofye. Ena aleyabikamo. Kibili nomba balondele ifyo fyonse nangula, kibili tapali centi iyaposelwe pali ine nemwine. Lelo ilyo Nasaine pali ulya ceke, batile aali wandi. Abantu balapela ine, elyo Ndepela kuchalichi. Oh, owe!

<sup>26</sup> Naumfwile ububi nganshi, pa kubalilapo, nomba Naishilesanga ukutila cila muntu muli Baibebe, Nddecetekela, uwakwetepo iofeshi lyamushilo ilyakwa Lesa, alesuntinkana nobuteko. Fwayeni kunuma uku musange. Ico nacilungama. Mose, Daniele, Yohane Kabatisha. Yesu Kristu afwile ukupitila mu kuboko kwa buteko, ukupitila mukukandwa kwa buteko. Petro, Yakobo, Yohane, Yohane kasokolola, bonse, bonse... Bonse baliculile mukupkaswa.

<sup>27</sup> Mulandu nshi? Cena cipuna cakwa Satana. Bushe mwalishiba ico? Bushe namwishiba, Satana asendele Yesu noku Mulangisha ubufumu bonse, isonde, mukashitafye akanono? Kibili atile, "Bwena bwandi. Ndacita nabwena conse ico Ndefwaya ukucita nabwena. Mwamona? Kibili Nkabupela kuli Iwe nga cakuti Wapona pansi nokumpepa." Eico mwamona uo babako? Ifwe twalipata ukutontonkanya ico pa besu, lelo efyo caba.

<sup>28</sup> Eico Atile, Yesu atile, "Fuma pano, Satana." Alishibe Ena ukuti ali nokuba impyani kuli bena, mu Myaka ikana limo. Ena alishibe ukutila bena bali nokuba Abakwe ilyo... Ilyo, ifi fyalo fyatekwa na Lesa, Imyaka ikana limo yali nokubapo. Lelo kukaba inshita imo.

<sup>29</sup> Bena balikwata ba U.N. na ba League of Nations, nefintu fyonse, ukwesha ukuleta umutende. Lelo ilyo lyonse Satana ali pamulu wacena, nefikansa fyacalo, ni cinshi icili nokucitika? Bena bakalwishafye ngefyo mucine isonde lyaba.

<sup>30</sup> Lelo kukesisa isa inshita ilyo amaboko yonse yakemishiwa. Kibili ifiunda fikalila, kibili nolucelo lukesa ulwa Muyayaya, ukwabuuta kibili ukwamoneka bwino. Imfumu yesu ikasenda icipuna Cakwe ica bufumu. Oh! Kukaba ukwimba; kuli nokubilikisha. Kibili kukaba imendela imo, abantu bambo, icalo cimo, ukulandila mululimi lumo, ulwa mu Myuulu. Ameni.

Ndafuluka iyo nshita. Kibili Ndesunka ukuya uko, ukucetekela Lesa, ubushiku bumo ilyo capwa, Ine kuti natila . . . Ndamumfwa Alelanda kuli ine aletila, “Isa pamulu.”

<sup>31</sup> Ndi muno mu Phoenix muno bushiku mwi Shina lyakwa Shikulu. Ine kuti—tekuti njeshe ukulondolola ico icacitike. Mwe bengi imwe mwebantu mwebasenda ama tepu, beni abashininkisha ku kubula ilya imo, *Ni Nshita Nshi, Mukwai?* Ico califye ilyo Nshilafuma ku ng’anda. Icimonwa icintumine pano; nici, Nshishibe ifyo . . . Nshishibe . . . Nshili kashitisha, kibili nshikomaila pali ifyo fintu. Tulayasenda, kibili twalikwata umulimo wa ma tepu ukushinguluka isonde. Ukwingila mumateshi nakonse konse, kibili balakwata akantu akanono ako babika mumatwi, balikwata, kibili kuti baibika muli tepu, no kwiminina palya nokwilula cilya mululimi. Kibili cena cilaya ukushinguluka isonde.

<sup>32</sup> Kibili, lelo imo iyo Nakwete, ukutila *Ni Nshita Nshi, Mukwai?* Nangu, *Bushe Iyi E Nshita, Mukwai?* Bamo . . . Ine . . . pa Cibelushi ubushiku, imilungu itatu iyapitapo, pachalichi. Panuma yamweo wandi onse uwakumona ifimonwa, Nshatala kwatapo icintu icili conse nga ici kunuma, mumweo wandi. Kibili Nshaishiba ifyo cena caba. Ndifye pano, lelo Alintumine kuno. Nshishibe ifyo cileplibula. Ndifye . . . Ndifye pano.

<sup>33</sup> Kibili Ningile ukuba uwacishinka kibili uwabufumacumi, kibili ilya e nshilafye yeka tukatala fika ukuli konse na Lesa, kuba uwabufumacumi. Pantu, abantu bakeshiba. Lesa alishiba, mukutendeka, imwe tamuli, nga cakutila mwaliba nangu iyo. Kibili abantu bali nokwishiba. Pantu, inshita imo, kwaliko umuntu uwaleesha ukusesema. Kibili Lesa aebele . . . Nangu, kasesema umwine mwine alimwebele, atile, “Lekeni twibukishe. Kwaliko bakasesema kunuma yesu. Kasesema eshibikwafye ilyo ubusesemo bwakwe bwaisa mukufikilishiwa.” Eico tulingile ukuba abashininkisha ukutila twalishiba ukutila Lesa eyo alanda, ilyo tatulalanda icintu icili conse palwa cena. Beni aba cishinka kibili ababufumacumi.

<sup>34</sup> Nomba natukontamike imitwe yesu pakashita akanono mwipepo. Nomba lekeni tufumyepo ukusakamana konse nomba, pamamineti ayanono ayalakonkapo. Ndesunguka . . . Muli ili bumba ilinono ilya bantu muno bushiku, Nalishiba ukutila mwaliba amabwe ayauma umutengo ayekele pano ayo Yesu akesa senda ubushiku bumo, ayakabuka mulukungu.

<sup>35</sup> Kibili kuti kwabako bamo muno abo abashila shininkisha nga cakutila kuti baba kulya, nangu iyo. Imwe limbi kuti mwakwata ukukabila pafintu fimbi. Nga kuli ukukabila mumweo wenu muno bushiku, lekeni cishibikwe kuli Lesa, ilyo muleimyafye ukuboko kwenu, nokutilafye, “Mwe Lesa, Namwishiba ico Ndepilibula nomba. Kibili mpaleni. Ni—Nindwala. Ndefwaya ukundapwa. Na—Nalifuma munshila.

Mfwile ukubwelela kwisenge. Nde—Ndefwaya ukubwela. Na—Nalilufyanya. Ndebwela. Ndefwaya Imwe mungafwilishe, muno bushiku, ukubwela.” Lesa amupale.

<sup>36</sup> Mwe Shifwe uwa mu Myuulu, nomba ilyo tulepalama kucipuna Cenu icabufumu, ukupitila mu Mulopa, pantu, kabilii Aaroni aile ku cinsa ca—ca cipuna caluse, abulile, mukubalilapo, umulopa mukuboko kwakwe, kabilii aile pantanshi, kabilii ifwe, kucitetekelo muno bushiku, ukupokelela Umulopa wakwa Shikulu Yesu, nokwenda kucipuna cabufumu icakwa Lesa, ukushipa, ukwishiba ukutila twalikwata insambu isha kwisa, te mubulungami bwesu fwebene, lelo mu Bwakwe. Umulopa wimininako ukuwamishiwa kwesu. Kabilii Ndepepa, mwe Taata uwa mu Myuulu, ukutila Imwe mwalatupela icakulomba cesu.

<sup>37</sup> Intanshi, ifwe kuti twalomba Imwe ukutukwatila uluse, ukutubelolo luse pa membu shesu shonse, ilyo tuleyebelela ifilubo fyesu, kabilii nempuso shesu ishinono, kabilii nemembu shesu ishamubumfisolo, kabilii nemembu shesu ishishaishibikwa. Kabilii tuleyebelela naifwe nga bakapyunga, ukuba bashimapepo, imembu sha bantu. Capamo, Shikulu, natwiminina. Ifwe twalibatemwa abantu. Ifwe tuleumfwa nga Mose ilyo aiposele umwine pakati, ukwikatilila abantu, ubukali bwakwa Lesa. We cakulangisha ico cali, icabulungami bwakwa Kristu, ilyo Kristu aiposele Umwine pakati, ku kupususha abantu!

<sup>38</sup> Kibili, mwe Taata, ifwe nga ababomfi Bakwe, no Mupashi Wakwe muli ifwe, umwina Kristu onse muno muli ino nshita yabushiku, uku ikitilila umwine ku mubembu: “Lesa, babeleleni uluse.” Twalililako abalwele nabalekabila, pamaboko ayo ayawamisha, bamo abakalamba, bamo abaice, bambi abalipakati, abemishe amaboko. Mwalishiba fyonse palwa ico, Shikulu. Tulepepa ukutila Mwalaasuka ukulingana nefyuma Fyenu ifyaba mubukata.

<sup>39</sup> Lekeni kube abengi muno bushiku, mwe Shikulu, bafume muno, abo abeshilemo, abalwele, lekeni bafumepo, abaundapwa, abapolia. Icintufye cimo cacitika, bena tekuti bacilondolole, lelo balishiba ukutila nabapolia.

<sup>40</sup> Lekeni abo abafumine munshila baye abalungamikwa, mwe Shikulu, ukwishiba ukutila nababwela nokutola Kristu apo ba Mushile. Lekeni baye, nokulungika ifintu. Peleni, Shikulu, ukutila balya abashatala isa basange ubuntungwa ubwa kuba umuntungwa, ukubafumya muli kasalanga, takuli nakabili ukukakwa nefintu fyamucalo namasakamiko yabwikashi ubu, lelo balilengwa ukuba abantungwa muli Kristu. Fikilisheni ico, mwe Taata.

<sup>41</sup> Paleni fyonse ifyo tulekabila nomba, kabilii paleni i Cebo Cenu nomubomfi Wenu, kabilii twala Mipela amalumbo. Mwi Shina lyakwa Yesu ifwe twalomba ici. Ameni.

<sup>42</sup> Nomba, nga kuti twabelenga isambililo lya Malembo, nangu Ilelbo pe sambililo, ntile, Abena Korinti Wacimo chapitala 14, versi 8, ilebelenga ngefi, mu Bena Korinti Wacimo 14:8.

*Pantu ipenga nga lyalila icililelile, ninani uwinga ipekanya ukuya kubulwi?*

<sup>43</sup> Uku kubelenga ukwalinga ukwakuti kuti twashimikila pamilungu ibili ukufuma pali kwena, kibili nomba ukwabula ukufika nakumpela kwauko. Mwaliba icintu cimo palwa Cebo ico caputwamo. Imwe lyonse mwaba pali lilya isambililo limo line. Imwe kuti mwakaka Baibele yonse nalyena. Ico naclungama.

<sup>44</sup> Ubushiku bumo umuntu alinjipwishe, atile, “Kuti wasenda shani isambilisho limo line?”

Natile, “Oh, owe! Kuti wasenda isambililo lya cintu icili conse ukufuma kuli cena.”

<sup>45</sup> Naishiletola ibula lyambali shitatu isha clover ilyali panshi, kibili nalimishe pamulu. Umwaume ekele muno muno bushiku, ukufuma ku Tucson. Kibili ifwe twali kulya mu Pasadena, ku California. Kibili Natile, “Kuti nabula ili ibula ilya mbali shitatu nokushimikila pamyaka amakumi yabili nayasano palwa lyeana: ifyo lyaba umweo, uwaba muli lyena; ifyo, imbali shitatu, ukuba bulesa patatu muli Umo. Kibili, oh, oh, kulifye ifintu ifingi ifyo twingaland palwa lyena.”

<sup>46</sup> Kibili nga palwe Lembo? Cena Cebo cakwa Lesa. Cena ca Muyayaya. Cena—cena calikwete . . . Cena tacawkata impela. Cena ciyafye ciletwalilila, ciletwalilila, ciletwalilila. Cena cubo kuliifwe.

<sup>47</sup> Kibili nomba muno bushiku Ndefwaya ukulanda pali ici: *Ipenga Nga Lyalila Icililelile.*

<sup>48</sup> Pakutontonkanya palwa ici, pamaminiti ayapita, ilyo Nacilitontonkanya palwa . . . ulya mulandu wamusonko, Nacitonkanya ukutila, “Takwaba ileelo icintu icaba icaishibikwa. Conse icintu calikwata ukukana ishibikwa kuli cena.” Kibili icintu icili conse ico icishaishibikwa bwino tekuti cicetekelwe. Icintu icili conse ico icishaishibikwa tekuti cicetekelwe. Imwe talukeniko kuli cena nga tacili icashininkishiwa.

<sup>49</sup> Nga mwalikwata umulimo; kibili, ico, natukwata bashimakwebo pano, nalimo abengi. Nga mukwete amakwebo ayashishibikwe bwino bwino, tamuli nokubikamo ifingi muli yena, pantu i—iciputulwa cakwakanya tacishibikwe bwino, kibili tamuli nokukwata ukutila muli yena ukwingi. Nangu, nga uli umusuma, uwasalapuka shimakwebo, uli nokulolela nokufwaya, nga cakuti naukwata indalamu ishakututila, mpaka wasanga icintu cimo icashininkishiwa, icintu cimo ico wingashintililapo, icintu cimo ico wingashintililapo. Pantu,

tamulefwaya ukulusa isho ndalamana ishinono isho mwasunga, pantu kuli isho mulingile ukukwatalamo ubwikashi bwenu, ukufuma mundalamana iyafuma ku—ku fyakaniko ififumine mukututila. Mulandu nshi, mulingile uku—ukukwata icintu cimo ica kwikalilako.

<sup>50</sup> Kibili ishi ndalamana mwasunga, mwilabika mwitumba nokushisha mulya mwine, pantu bakabolala bakashiba. Mwamona? Mwilacita ico, mwilacita ico. Nga mwashikwata tutileni mucintu cimo. Kibili mufwile mwashininkisha ubutuntulu bwacintu ico mututilemo. Nga tamucitile ico, mulandu nshi, mwitutila, nakalya.

<sup>51</sup> Eico, amakwebo mucituntulu yalesunkana munshita yabushiku ileelo. Amakwebo ayali yonse, mu butuntulu, mwisonde, yali mumibebe iyasunkana, pantu isonde lili mumibebe ya kusunkana. Imwe tekuti muileke...

<sup>52</sup> “Nomba, Nalabika indalamana *pakuti*, ishakunkulila ing’anda iisuma, iinono ku ncende imo.” Ico, ico cili icasunkana, Nalamyeba efyo cili, pantu ubuteko kuti bwasenda conse, mu nshita ya bushiku.

<sup>53</sup> Oh, ifintu fyalenga amaisosele yesu ukukoweshiwa, mpaka yaba ayasunkana! Ifwe twalebika ukucetekela ukwingi mu maisosele yesu. Kibili, icaba, Ndetontonkanya yena emibele isuma iya buteko. Lelo, nangu cibe ifyo, amaisosele yesu yalisunkana. Pantu, ifwe, cino calo, abantu besu, twalikwata ulupapulo, kibili ulu lupapulo lwaba—e shintililo lyesu. Lelo, nomba, muli ico, ulupapulo lwesu lwaliba ulwasunkana, pantu balilutoba kale imiku iingi. Mista Roosevelt umuyashi apangile icimfulu mfulu nalo. Eico, mwamona, mwamona ukutila kuti lwatobeka. Tekuti lwena mulucetekele.

<sup>54</sup> Ifikansa fyacalo, oh, owe, ifyo fyaba ifyasunkana! Abantu batalikanafye, nokutalikana, no kutilikana, palwa fikansa fyacalo. Kibili abena mupalamano balapusana, palwa fyena, nabantu abali bacibusা pakubala. Kateka umo akema, nangu umuntu umo ukwiminina nga kapokola, nangu icintu cimo, umuntu umbi kulubali lumbi ulwalupango lwafikansa fyacalo, kibili bena bali nokutalikishanya umo nomunankwe mpaka bena bakupusaninepo palwa ico, ifikansa fyacalo. Kibili Nshile... Ndesubila nshilecena imyumfwile ya muntu uuli onse, lelo Ndetontonkanya ukutila icintu conse calibola. Mwamona? Ee, mukwai. Eico mulandu nshi imwe mwingalatalikishanya nokupusanina pa cintu cimo ico icishaba icisuma nangu cibe ifyo? Ico cishinka. Cena cibi nganshi.

<sup>55</sup> Umo muntu atile kuli ine ubushiku ubwfumineko, atile, “Bushe—bushe uli nokusala muli kuno ukusala?”

Natile, “Nalisalile.”

Atile, “Oh, muli kuno ukusala?”

<sup>56</sup> Natile, “Nasalile Yesu.” Natile, “Nalakweba. Pali abantu babili abalensala.” Natile, “Lesa alinsalile, kibili ciwa alinsalile. Kibili Nasalile Lesa, eico Nalipanga ukusala ukwalungama.” Cilife apo wabika ukusala kobe, umusango ulefuminamo.

<sup>57</sup> Eico, moneni, ililinefy, ukumilangisha akantu akanono, kibili ninshi twalacileka. Muli uku kusala ukwa kulekelesha ukwa kwa kateka, ilyo cena cashininkishiwe mucine mu Chicago nencende ishapusana pusana, ukutila ba mashini abo bakwata abakusalilako, ukutila, bena bapangilwe na kabungwe kaba Democrat, ukutila cila nshita mwasala Mista Nixon, mwali nokusalilamo Mista Kennedy, inshita imo ine. Eico, tamukwete akashita. Kibili cishininkishe!

<sup>58</sup> Kibili mwalyumfwile *Kacefya* ubushiku ubwafumineko, ilyo bakwete i—ifyakwipusha amepusho, ukufuma ku Mississipi, kukabanga. Mista Nixon alikwete uku kusala kwapali lamya, fine kuli cimo. Musango nshi umuntu enganwininamo? Nga cali ni Mista Kennedy, cena nga cali umusango umo wine. Ine nshakwata ibumba nangu limo.

<sup>59</sup> Ibumba lyandi lyaba mu Muulu, kibili Ndifye pamo nabo muno bushiku. Ifwe twikele muncende shamu Myuulu, ukulanda pa Mfumu yesu.

<sup>60</sup> Lelo, mwamona, Ndeesha ukumyeba, ifi fintu fya mwisonde filesunkana. Takwaba...tekuti uficetekele. Tafyaba ifya ishibikwa bwino bwino. Kibili icintu icishaishibikwa bwino bwino, Ine kuti nafumafye kuli cena. Nshatemwa ico cintu icishisuminishanyako. Nshatemwa ukusakana necintu ishishisuminishanyako. Natemwa ukusuminishanya, ukuba kulubali wakusuminishanya.

<sup>61</sup> Nomba, ubwikashi bwa pang’anda tabuli ubwaishibikwa bwino bwino. Namwishiba, Nalimwene ifyalembwa ubushiku bumbi, mucitabo celyashi kuncende imo, ukutila impendwa yabakulekana mu America yalicila pafyalo fyonse mwisonde. Kibili tulingile ukuba icalo cabukapepa. Ee, kuti caba ico, bukapepa, cisuma, lelo tacaba umusango uwalinga. Mwamona? Bukapepa cifimbo. Cintu cakosa ukulanda ico tubomfyia pakupanga icifimbo cesu. Adamu alyeseshe ukupanga amabula ya mukunyu, kibili tacabombele. Caishile sunkana nganshi ilyo aishile mukukumanya Lesa. Eico bukapepa tabucikumanya nangu panono. Nomba kuti watontonkanya ukutila impendwa yabakulekana, yalikula ukucila—ukucila fyonse ifyashala ifyalo, impendwa yesu iyabalekana? Tulesanga ifya bulalelale filefulilako mu mayanda yesu.

<sup>62</sup> Cali icakupapusha ukwishiba, ukutila, pecenti iikalamba mufyakufwailisha mucalo, kibili mu...Ndecetekela cali mu Ohio, ukutila kwali icakufwailisha pa bwina Kristu, kibili cali icakutinya pali pecenti iishaleyka kuchalichi. Kibili nomba, nalimo impendwa amakumi cinekonse konse iya balya

abaleya ku chalichi, tabaishibe umulandu bena baleilako. Bena tabaishiba umulandu bena bela. Bena bayafye ku chalichi.

“Malandu nshi wilako?”

<sup>63</sup> “Ukuba, mayo aletusenda lintu twali abaice, kibili twatwalililepofye ukuya.” Kibili—kibili lyena, nomba, imbi pecenti yabo, batile baleilakofye, oh, mukukumanya abena mupalamanano babo nokulanda pakashita akanono. Mwamona?

<sup>64</sup> Mulandu nshi, cena cakutinya! E mulandu wine imikalile yapa ng’anda yalipwa, mwamona, imikalile yonse iyapang’anda iyo taili iyashipa.

<sup>65</sup> Onse umwanakashi uuleupwa kumwaume, kibili tali uwashinkisha pali ulya mwaume, afwile amuleka aba. Kibili onse umwaume uulefwaya ukupa umwanakashi, kibili tashininkishe, uwile wamusha aba. Kuti cawama wapepelapo umupwilapo, pali cena, mpaka Lesa akupela ubwasuko. Kibili nomba ico Lesa alundanya pamo mwileka umuntu acipatukanye. Lelo ifwe—ifwe, intanshi, tulingile ukupepelspo umupwilapo, pali ico. Ee.

<sup>66</sup> Nomba, tulesanga ukutila ifwe twalyesha ukupilibula isonde ku butantiko bwa masambililo, kibili ifwe twalipanga icine cine icimfulunganya ukufuma muli ico, icine cine icalinga. Iwe tekuti upilibule isonde kuli Kristu ukupitila mumasambililo. Amasambililo yalamufumya kuli Lesa, ukucila ifyo yamupalamika kuli Lesa, pantu ena alesha ukutontonkanya ukutila ena alicenjela kibili alishiba ukucila umuntu umbi. Amasambililo nangu yengaba ayasuma, Kristu tatalilepelpa umulimo ichalichi Cakwe ukufundisha isonde. Ena tatalile sambilisha, ukupanga ama seminali. Ena tatalile asa—... Oh, bena basuma. Ena tatalile beba ukuyakula ifipatala. Ico cilifye bwino.

<sup>67</sup> Lelo umulimo wa Chalichi kushimikila i Mbila nsuma. “Kabiyen i mwisonde monse, shimikileni i Mbila nsuma kucibumbwa conse.” Mwamona? Lelo icintu conse icapusanako ukufuma kuli ico, cilasunkana, pantu cena nacifuma mubantikio bwakwa Lesa.

<sup>68</sup> Ubwikashi bwamucalo tabwaishibwa bwino bwino. Ukuba, icalo tacili icashininkishiwa bwino. Tuleikala muncende umo icalo conse cili muncende yamwenso nokusakamana, cilemoneka kwati, cilesunkanishiwa. Icalo conse, cila muntu, umo aletina umunankwe. Bena balanda umutende.

<sup>69</sup> Balikwete, inshita imo, batile, “Oh, ilyo twalwisha Inkondo ya Ntanshi iye Sonde, ukutila abalumendo besu bonse bafwile ukuya kulya, kibili ico cikapwisha ubulwi.” Mulandu nshi, tabafumishemo necushi campolopolo mumwela mpaka baba pali imbi.

<sup>70</sup> Nomba balikwete Icisaka ca Fyalo, icali nokusopa umutende mucalo, kabilo califililwe. Nomba balikwata U.N., kabilo cena cintu cimo cine. Cena califilwa. Takwaba nangu cimo kuli cena.

<sup>71</sup> Ifintu fyonse fili ifiyasunkana; ubwikashi bwacalo, ubwiksah bwa fikansa fyacalo, umusango wakusalilamo. Oh, owe! Bena balifye...Icintu conse calisunkanishiwa, ifintu fyonse.

<sup>72</sup> Nomba Ndefwaya ukucileta mupepi nakumwesu. Mwamona? Ubwikashi bwa mu chalichi nabusunkanishiwa kabilo tabulli ubwashininkishiwa. Nomba, filya efyo Paulo alelandapo. Mwamona? Palya epo apilibwile ukutila, "Ipenga nga lyalila icililelile." Ubwikashi bwa chalichi bwalisunkanishiwa. Abantu tabeshibe ifyakucita. Bena balaya, belelulumba ukufuma kuchalichi cimo ukuya kuchalichi cimbi, ukwesha ukusanga icakwata icintu icalungama; ukwenda ukufuma kuncende imo ukuya kuncende imbi, ukwesha ukusanga icalungama, ukwaba isambilisho lyalungama. Kabilo umo akesa, kabilo sera kuti bacilondolola, mupefife nakucifulo ica cisumino cabu, ico nacilungama. Kabilo nomba, icintu cakubalilapo namwisha, balasanga ukonaika ukukalamba muli ico, mpaka baesha ichalichi cimbi, ukumona ifyo cisumino cabu cabu, isambilisho. Oh, fyonse ifi, tulesanga ukutila natuitobaula fwebene lyena, kuli ifi fintu, ku mafunde imyanda ayapusana aya chalichi. Nomba, takuli nangu cimo icakususha ico. Ico ni filya finefyre icakuti kuti bacita ifintu fimbii, lyena, ifyo sera bacita, kabilo kulingile kwabako bambo abasuma ukufuma muli cena, pancende imo.

<sup>73</sup> Lelo, mwamona, imwe tekuti mubike isubilo lyenu mukutila, "Naba ku kabungwe ka Methodisti aka machalichi, kabilo Ndi-Ndifye bwino pantu Naba kuli kena." "Na—Na—Naba ku kabungwe ka Baptisti, kabilo Ndifye bwino." Imwe tekuti mucite ico.

<sup>74</sup> Imwe tekuti mucicite nangula ilyo muletila "mwaba ku kabungwe ka Pentecosti aka machalichi." Imwe tekuti mucite ico. Imwe tamulingile ukucita ico, pantu cena tefyo cabu. Tulesanga ukutila ilyo akabungwe kesu akakubalilapo aka Pentecosti, Akabungwe ka Cintubwingi, kabikilwe mumutande, tapapitile inshita napo yatendeke ukupatukako ukufuma *kulya*, nokupatukako ukufuma *apa*, na malyashi, na masambilisho. Kabilo nomba loleshenifye kuli cena, ukuli konse. Mwamona? Cena cilelangisha ukutila cintu icishaishibikwa bwino. Abo abacetekelafye mukabungwe keka, cabu—cabu icishaishibikwa bwino.

<sup>75</sup> Nomba, imwe kuti mwatila, "Munyina Branham, iwe uletutwala ku musambo uukalamba kunse kulya. Ulepela icikope icabipa." Kabilo Nalefwaya ukucita ico. Nalefwaya ukucicita.

<sup>76</sup> Nacicitile pe pange limo, pakutila Ningalandia ici. Bushe kuliko icintu icili icashininkishiwa? Ee. Kuliko icintu cimo ico icili icashininkishiwa. Oh, Ndi uwansansa nganshi pali ico, ukutila kuli icintu cimo ico mwingabikamo isubilo lyenu, nokuba uwashininkisha ukutila cena cintu calungama. Oh, ilyo ifintu fyonge ifyashala fyafumapo, *Ici cikeminina*. Nga muli nokubelenga Mateo Washila 24:35, Atile, “Imyuulu nesonde fikapita, lelo i Cebo Candi tacakafilwe.” Lesa alikwata umufula uwaishibikwa.

<sup>77</sup> Umuntu umukote, atile inshita imo, umukote uwafitulukila kulya ku Kapinda ka ku kuso. Abulile Baibele, kabilii alifililwe ukubelenga. Kabilii batile, “Malandu nshi uikatile, Sam?”

<sup>78</sup> Atile, “Yena ni—yena ni Baibele ya Mushilo.” Atile, “Calilembwa pali Cena.” Kabilii atile, “Nincetekela muli Yena, ukufuma kumukupo ukufika kumukupo, kabilii nincetekela nomukupo pamo,” atile, “pantu cena nacikwata ‘Baibele ya Mushilo’ ukulembwa pali cena.”

<sup>79</sup> Kabilii uyu muntu alelanda kuli ena, atiile, “Iwe taucetekele fyonge ifyaba muli Cena?”

Atile, “Ee, mukwai. Ine mucine nincita ico.”

<sup>80</sup> Atile, “Nomba, ukuba, ulenjeba ukutila kuti wacita icintu icili conse ico Baibele yakweba ukucita?”

Atile, “Ee, mukwai.”

<sup>81</sup> Atile, “Inga nga iyo Baibele yatille Sam toloka ico cibumba camabwe palya? Bushe cinshi wingacita?”

Atile, “Ine kuti natoloka.”

<sup>82</sup> Atile, “Ukuba, nomba, musango nshi uli nokufumina mucibumba camabwe ukwabula icipunda ukubamo?”

<sup>83</sup> Atile, “Nga Baibele yaeba Sam ukutoloka, kuti kwaba icipunda kulya lintu Sam afika kulya.” Eico, ico, cilifye icalungama. Kutii kwaba icipunda kulya.

<sup>84</sup> Icintufye cimo ico ulingile ukucita niwe ukwiminina pa Cebo cakwa Lesa, kabilii Lesa akapanga inshila kuli conse icashala. Oh, ulya Umufula uukalamba!

<sup>85</sup> Ndecetekela Atile, mulya muli Luka, Ndecetekela emo, pakwikila palupili, Atile ku basambi, “Abantu batila Ine ne Mwana wa muntu nine ani?”

Kabilii umo atile, “‘Yeremia,’ na ‘bakasesema,’ nafimbipo.”

Kabilii Atile, “Lelo imwe mutila Nine ani?”

<sup>86</sup> Nomba e lintu Petro alandile lilya ilyashi ilya landwa ukutila, “Nimwe Kristu, Umwana wakwa Lesa uwa mweo.”

<sup>87</sup> Atile, “Walishuka, Simoni, mwana Yona, pantu umubili nomulopa tafisokolwele ici kuli iwe. Lelo Taata Wandi uuli mu Muulu eusokolwele ici kuli iwe. Kabilii pali ici cilibwe

Nkakula i Chalichi Candi, kibili impongolo sha kumbo tashakacanshe Cena.”

<sup>88</sup> Ni cinshi nomba? Pa cine icasokololwa ica Cebo cakwa Lesa. Pantu, “Mukutendeka mwali Cebo, kibili Cebo ali pamo na Lesa, kibili Cebo ali ni Lesa. Kabili i Cebo capangilwe umubili nokwikala pakati.” Kabili calisokolwelwe kuli Petro ukutila cilya cali i Cebo cakwa Lesa icashininkishiwa. Ameni.

<sup>89</sup> Ulya e mulandu wine Ena kuti atila, “Ninani uwinga Njebaula pa lubembu? Nani uwinga Ntunga akabi? Ifintu fyonse ifyo i Cebo calemba pali Ine, Nimomba.” Lesa alicishininkishe, ukutila Ena ali Cebo. Oh, epela. Lesa nalangishiwa, i Cebo calilanda ifyo, kibili nomba Lesa acipanga icituntulu, cacitika, acilangisha.

<sup>90</sup> Imyaka iyapitapo, ilyo batile ku chalichi abati, “Takwaba icintu ngo lubatisho lwa Mupashi wa Mushilo, ico cakumfwafye ico abantu besa mukuipangila,” lelo balya aba Cipokelele, balishibe ukutila cena cali icine. Bena balishibe Lesa ali uwacine. Kabili calishininkishiwa, mpaka, ileelo, ukusela kwa Pentecosti ukwa kwa Lesa ukupita mufyalo, nakuleta ifingi muli Kristu ukucila ifyaleta bonse abashala.

<sup>91</sup> *Abeni Besu Abapa Mulungu*, te kale sana, i pepala ly ba Katolika, lyatile, Ndecetekela cali imyaka ibili iyapitapo, nangu umwaka wafumineko, umo, ukutila, “I chalichi ca Katolika lwalembeshefye citika wa millioni abapilibulwa. Uko, ba Pentecosti balembeshe millioni umo, na makana imyanda isano.” Ameni.

<sup>92</sup> Cena ni cinshi? Cena cintu icilekula, i Cebo cakwa Lesa, ukusalangana kumbali shonse. Ifyo tulingile twaba abakutotela! Cena cingi nganshi, mpaka, nomba ba Episcopaliani, ba Presbyteriani, ba Lutherani, na bonse, baleisa mukusenda fimo muli Cena. Moneni mukulongana kwa Baume ba Shimakwebo, mulabomfwa balelanda pali balya abapusana pusana: ba Episcopaliani, ba Lutherani, ba Presbyteriani. Mulandu nshi, imwe ilingi line tamumfwa palwa ba Pentecosti ukucita ifili fyonse nakabili. Ico nacilungama. Ni bonse bambi. Wena mulandu nshi? Balimona ubunake bwabo ubwa fisumino fyabo, kibili balibwelelemo ku Cebo. Kulya mulesanga umufula, icintu cimo icishingasela.

<sup>93</sup> Mulesanga mulya, Mupashi wa Mushilo ukwikala Umweo Wauko mabantunse, ukuilangisha Umwine kwisonde. Kabili cilenga abaume uku Ukwatila icilaka: icashipa, icishingakanwa, i Cebo cakwa Lesa icalangishiwa nokuilangisha Umwine, i Cebo Cine ukwikalwa mumweo wamuntu. We cintu icisuma we! Tapali icishaishibikwa bwino pali ico. Kuti mwamona uko Lesa apangile ubulayo, kibili pano cena cilelangishiwa. Imyaka imyanda iyapitapo bakasesema balandile palwa cena, kibili pano tulecimona cena ukwisafikilishiwa.

<sup>94</sup> Ukupita mukususha, ukupita mukupusana, ukupita mufisumino, ifyo baesha ukufumyapo i Cebo cakwa Lesa! Ifyo bena baeseshe ukupyanishapo amasambililo. Bena balyeseshe ukupyanishapo, ukupanga icilonganino. Bena baliifulunganya abene. Kibili ukufuma muli fyonse ifi, i Cebo cakwa Lesa caliminina icabengeshimafye nokubeka nga fintu catalabapo. Bushe nicinshi? Cintu ico icashininkishiwa. Lesa atile, "Shonse shibili imyulu nesonde fikapita, lelo i Cebo Candi tacakafilwe." Nomba, ico cintu icashininkishiwa. Nga cakuti mulefwaya ukuikoba mwebene, kobeni ico Cebo mumitima yenu.

<sup>95</sup> Davidi atile ena ali Cifishile mumutima wakwe, ukutila ena ebembuka. Alembele amafunde Yakwe pa kumitwe yabusanshi, nokuyakaka ku maboko yakwe nakonse, abikile i Cebo Cakwe Lyonse kuntanshi yakwe. Iyo e nshila. Lekeni amano yenu Lyonse . . .

<sup>96</sup> Lesa aebele Yoshua ukutila, "Mwipilibukila ku kulyo nangu ku kuso, ukufuma kuli Cena. Lyena mukalenga inshila shenu ukuba ishalunduluka. Lyena mukakwata ukulunduluka ukusuma."

<sup>97</sup> Kibili ilyo ichalichi conse cileibika icine capamo ukataluka ukufuma kufisumino fya ciko, kibili pa Cebo cakwa Lesa, nomba ichalichi cikakwata ukulunduluka ukusuma. Ico ecikesa fumyapo ukubombela capamo.

<sup>98</sup> Ni cinsyi icapangile ukubombela pamo . . . ? Icintu cine, muletontonkanya "ukubombela pamo," ilyo balesalanganya amalyashi yabo, nokukula apakalamba, muli ba millioni, kibili abantu balatina palwa cena: ukutila ukubombela pamo kukapwa nokufwa. Cilingile ukucita ico. Ukubombela pamo, bena kuti bacita *ici*. Bena limbi kuti bacita *ico*. Ndecetekela Lesa ali nokucibomfyा, lelo, ico nacilungma, nga filya Ena acitile kuli Nebuchadineza. Akafumyamo, i—i—i . . . ifyabipa fyonse, ukufumyamo, nokubombela pamo. Lelo, ukuti . . . Iyo, ifyo fyafula. Lelo, lolesheni. Lelo icintu, ukubombela pamo, cikakwata impela. Ukubombela pamo kukesafika kumpela.

<sup>99</sup> Lelo i Cebo cakwa Lesa tacakwata impela, pantu Cena tacawkete ukutendeka. Ameni. Cena ca Muyayaya pamo na Lesa. Kibili imwe nga muli abakobwa, kibili i Cebo calikobwa muli imwe, imwe muli ba Muyayaya pamo ne Cebo. Ameni.

<sup>100</sup> Cena cilingile ukwisa kumpela yaciko. Fyonse ifyo fintu filesunkana. Te mulandu ifyo balekula uluceshi ulukalamba, lulingile ukupona pansi. Ifintu fyonse ifishili fya, ifyakususha ico Cebo, nangu ukupusana nacena, filingile ukusela. Cena cilingile ukupela incende, pantu i Cebo cileisa mukucimfyा. Takili nangu cimo icinga Cikanya. Lesa efyo asosa.

<sup>101</sup> Ilyo Ena alanda Cena, imyulu ne sonde fikapita, lelo Cena tacakafilwepo. Fiseni ico Cebo mumutima wenu, ifya kusenda cilya i Cebo noku Cileka ukukula. Mule Cisunga mumano

yenu, lyonse, pantu Cena tacakafilwepo. I Cebo cakwa Lesa tacakafilwepo, pantu Atile Cena tekuti cifilwe. Eico tulefwaya ukucisungila pali ico.

<sup>102</sup> Nomba, Paulo atile, mu Malembo, ngo kusambilisha umushilika, umushilika ku ciunda. Nomba, umushilika afwile ukusambilila iciunda cakwe...ice penga nangu intandala. Teshibe nga cakuti ipenga nalitampako, ukulila, nga cakuti—kuyakuntansi nangu ukubwelela kunuma. Nga cakuti ena taishiba ubupusano, musango wa bashilika abafulunganishiwa nshi mwingawkwata? Umulwani kuti acimfyा akalibumba kabashilika aba shakanshiwa ukufikapo. Ameni.

<sup>103</sup> Uyo emulamdu waba namachalichi yesu ileelo. Tubasambilisha ifisumino, ifyapusana cimo kucinankwe.

<sup>104</sup> Tufwile ukuba abaikatana. Tufwile ukwishiba ipenga. “Nomba ninshi ipenga nilisa?” efyo balanda. Ipenga lyा Mbila nsuma, e Ilyo. I Cebo cakwa Lesa wa mweo e Penga. Mwilasakanya nangu cimo kuli Cena.

<sup>105</sup> Mwilapela umo ukulisha nsango yaci Frenchi, kibili umbi alelisha intandala. Tapali nangu umo uwaishiba ifyakucita. Cena cileta icimfulunganya.

<sup>106</sup> Kibili Paulo alelanda palwa kusambilisha umuntu iciunda. Kibili nga fintu cilya iciunda caba, ena alishiba ifyakucita, pantu kalisha wantandala alikwata amafunde, kibili ukufuma kuli cilolo mukalamba. Kibili ilyo alisha ili ipenga, umulalo wabashilika uleshiba bwino bwino incende ukwa—ukwa kuya kuntansi, kibili apakubwekela kunuma, kibili nga cakutila kuti apilibukila kukulyo nangu kukuso, nangu ifyakucita, ku kubilisha kwe penga.

<sup>107</sup> Nomba, abashilika, inkondo, lyonse caba bulwi. Tatwatala ilunda ku Chalichi, nangu ukwisa mu Chalichi, ukwisa ku mangalo yamalila. Tufwile ukwiluka ukutila tuleisa pancende yabulwi.

<sup>108</sup> Ine nshisa ukutila abantu bampampashe panuma nokutila, “Munyina Branham, uli muntu umusuma.” Iyo, mukwai. Njisa kulya ne nkewela. Nshilefwaya inkwela pali ico. Njisa ne cisote ne cakucinga. Njisa mukulwa, ukulwa pa ciputulwa conse ica mushili.

<sup>109</sup> Lesa aebele Yoshua ukutila, “Yonse incende iyo ututende twamakasa yobe twanyantapo, Napela kuli iwe.” Eico, intampulo shapilibwile ukukwata.

<sup>110</sup> Kibili ilyo ichalichi cafika pa cifulo, cena cilawikishanya nefisumino, nokuwikishanya ne Cebo, kibili cawikishanya nesonde, Ndepilibula, nomba amaka nayapwa. Cilebwelela kunuma.

<sup>111</sup> Ico tulekabila muno bushiku bashilika ukukwata ubulayo bonse ubwa Bulesa ubwa iyi Baibebe, ubo Lesa alaile i Chalichi,

icituntulu icakucinga icifuba icakwa Lesa, kabi nokwiminina. Ico eco tulekabila, abashilika; tekusenda unifomu iyakulangisha imifwalile, cena Lyonse cilapusana. Ilyo umuntu . . .

<sup>112</sup> Icalo icili conse, twalikwata inengu mucalo conse. Twalikwata inengu sha ma Gelemani muno. Twalikwata inengu shaba England muno. Twaikwata—twalikwata inengu shesu mulya mu England. Cinshi ico bena baleesha ukucita? Bena baleesha ukusanga umusango wa fya kubomfyia, umusango wama bomba, umbi nao akwata. F.B.I. yalipalama ifyalo fyonse. Baletamba, ukuti bamone. Ifyo efyo bekala. Balatamba nokumona musango nshi wama bomba umunankwe akwete. Nomba baina panga ilicililepo, nangu ukupanga limo iyakucefya amaka yailyo. Bena tabaicetekela umo nomunankwe, mufyalo, pantu ico cilelangisha ukutila ifyalo nafisunkanishiwa. Mulandu nshi, England kuti yaposhamo ibomba, muli ora, nga cakuti twabakalifya, nangu kuti twabaposealamo ibomba. Cisendafye umuntu umo kulya kumulu wa cintu kulya, ukunwako bumo nangu bubili, ubwingi nganshi, nangu ukufulwishanya necintu, kabi lyena ninshi lyaya.

<sup>113</sup> Kuno tekale sana, bena kuti batila, akaputulwa akanono akafipe, “Capangwa mu Japan,” ilyo kwali inkondo. Baleciposa pansi, nokwendauka, ekutungilila icalo. Kabi nomba muli noklipila amalipilo ayakalamba pali cena ukucila icintu icili conse ico mwingshita mucalo. Ni cinshi icacitike? Bushe calibweseshe imyeo yabalya abalumendo bafwile kulya? Mucine iyo.

<sup>114</sup> Bushe nicinshi? Nshisakamana ifyo mulwishanya nefyamwisonde, muleya, tacakapilibule nangu cimo. Cikasunkana. Lelo kuli ubulwi ebo mwingsabamo nokukwata amaka ayo teti bamipoke. Ico e ciunda ca Mbila nsuma ice Penga lya Cebo cakwa Lesa, kabi alikwata ifyabupe no bulayo ubo Apele ku Chalichi. Mucine efyo cili. Nomba, tulesanga—tulesanga ukutila, ukupela ukulila kwe penga.

<sup>115</sup> Nomba, cila calo cilesha ukupekanya abalumendo baciko no bucingo ubwakosa ubo cingakwata. Nomba, Ninjishiba ukutila, limo limo ifi ifyankondo tafyaba ifya anguka ukukwata.

<sup>116</sup> Nalikwete munyina, “Rookie,” efyo balemwita, aya kulya, kabi abashilika bamupela icola icafanine amapaundi amakumi pabula panuma yakwe. Mupepifye nga fintu alefina. Bamupele fosholo, iyakwimbilako icilindi; imfuti, kabi namabomba yakuposa ukubomfyia amaboko. Kabi, oh, Nshatala monapo icola icamusango nga filya! Akalumendo akanono akabusu kalefilwa nokusela. Kabi bamusendele pamusebo ukwenda ba mailoshi basano ukufwaya motoka. Cafwaile ukumwipaya. Atile, “Bushe ubu buwelewele bwanshi? Nicinshi Ndekabila necisote icikalamba nganshi?” Nomba, moneni. Abashilika balishiba ukutila ali nokukabila ico inshita imo. “Ni cinshi

ico Ndefwaya na fosholo, kunse uku mumusebo uukalamba, ndeenda?" Mfwile nabelesha ukuibomfy. Kuti waikabila.

<sup>117</sup> Ubuteko tabuli nokupela icintu cimo kano mwaishiba... balishiba ukutila uli nokucibomfy. Mulingile ukusambilila pali ico. Bena balasanga ifintu ifisuma ifyo bengasanga, ukumicingilila naco, pantu balasakamana icalo. Bena bali abasakamana imwe ukuba abacingililwa ukulingana napo mwingapela, ukutaluka ukufuma kumpolopolo. Cena lyonse efyo caba.

<sup>118</sup> Cena catendeke mwibala lya Edeni. Kibili Lesa alasambilisha Chalichi Cakwe. Kibili i...

<sup>119</sup> Namwisha, lyonse tulingile ukcilapo. Nomba, indeke ishakale twabomfeshe kunuma mu Nkondo iya Kubalilapo iye Sonde; Inkondo ye Sonde iya Cibili, mulandu nshi, tulya tundeke tunono mumulu twalipwa, ilyo bena babikile ishi ndeke ishikalamba nganshi isho bakwete. Mulandu nshi, shena tashali nangu cimo. Kibili nomba, shilya isho babomfeshefye muli iyi nkondo ya kulekesha, nomba shena shalipwa incito. Bena tabashikabila nakabili. Nokusenda indeke shibutukisha. Kibili, moneni, lyonse muleesha ukucilapo, ukucilapo pafintu mwakwata ifyankondo.

<sup>120</sup> Lelo namwisha? Lesa tafwaikwa ukuwaminako. Lesa apele abana Bakwe, abashilika Bakwe, icintu icawamisha ico cingapelwa kuli bena. Ilyo Abapele, ni cinshi ico Abapele? Ena alibapele i Cebo Cakwe kwibala lya Edeni, kibili umuntu ali nokuicingilila umwine kunuma ya Cebo cakwa Lesa, kibili takuli iciwa icinga musenda. Ikaleni mu Cebo.

<sup>121</sup> Nomba, umulwani, inengu yabalwani, Satana, alyeseshe ukusanga ifyo engacita pakwingila muli ico. Eico ena—ena alishibe ukuti tekuti esefye nokumubepa, eico icintufye ceka ico ena engacita kumulenga alapelulwila. Kibili ifyo efyo Lesa abomfyia ileelo, ukucingilila i Chalichi Cakwe, Cebo Cakwe. Kibili Satana esa nokupelulwila. Satana alishibe ukutila ico cali icilubo. Ilya yali nincende iyo abantu bali nokonaulwa, cali kupelulula.

<sup>122</sup> Mwatila, "Nomba, lekeni ine nkalulushanye na imwe. Nomba cena cikankala?"

<sup>123</sup> Nga Lesa nga cakuti alandile ukutila cali icikankala, cena cikankala, nga cakutila tulingile ukulila, kibili boohoo, nokucita fyonde ifi. Nga cakuti Lesa alandile ukutila ulubatisho lwa Mupashi wa Mushilo lukankala, Nshilesakamana ifyo Cafina, necalo ico mufwile ukulekelako, imwe muli no ku Cibomfyia, bumo muli ishi nshiku, ukutila mutwalilile ukuba nomweo. Inshilafye imo iyakuba nomweo.

<sup>124</sup> "Nomba, bushe tulingile ukusambilila ukundapwa kwa maka yabu Lesa, ilyo twakwata ba dokota abaishibisha mwisonde?"

<sup>125</sup> Lesa amipele ukundapwa kwamaka yakwa Lesa pantu Alishiba ukutila mulingile ukukubomfya. Ena amipele ifyabupe fya Mupashi.

<sup>126</sup> Kibili lilya linefy Satana aishilefika pali Efa, ena atendeke ukupelulushanya pamo nankwe. Nomba, “Mucine, mucine, Lesa tekuti acite *ico*.”

<sup>127</sup> Abantu balanda ileelo ukutila, “Takwaba imbo.” Abengi balamyeba *ico*. Mwamona? “Oh, mucine Lesa tekuti oce abana Bakwe.”

<sup>128</sup> Mucine, Ena toca abana Bakwe. Lelo ciwa ali nokucita *ico*, kubakwe. Uli mwana wakwa nani? *Ico e cintu cilekonkapo*. Kumbo kwapangilwa ciwa nabana bakwe, tebana bakwa Lesa. Tapali nangu umo pali bena uuleya kulya. *Ico nacilungama*. Cena cabafye nga uli mwana wakwa nani.

<sup>129</sup> Nomba, Lesa apele Efa na Adamu i Cebo Cakwe, kibili Ena tatala Cipilibula. Ena lyonse alikwata... Umwina Kristu, nangu uwacetekela, Ubucingo bwakwe Cebo.

<sup>130</sup> Imyulu ne sonde fikapita. Icisumino conse cikapita. Icilonganino conse cikafilwa. Icalo conse cikalobela. Lelo i Cebo cakwa Lesa cikeminina, Umuyayaya. Kukaba inshita ilyo ulutanda lwalucelo talwakatwalililepo ukusanika. Kukaba inshita ilyo akasuba takakasanike, kibili umweshi tawakasanike, kibili isonde talyakashinguluuke munshila lyaiko.

<sup>131</sup> Lelo i Cebo cakwa Lesa umuyayaya cili nokutwalilila ukuba cimo cine. Ee. *Ico cintu cimo ico icishingaseshiwa, icintu cimo ico mwingashintililapo*. Calishibikwa. Lesa nga alanda icintu icili conse, cili nokucitika.

<sup>132</sup> Nga cakuti Alilandile, mwibala lya Edeni, kuli Kalubula, Ena ali nokutuma Messiya, cali icashininkishiwa ukwisa citika. Nangula imyaka amakana yane bena balelolela, lelo Ena alifikile kulya. Ena alingile ukwisa pantu cali Cebo cakwa Lesa icalaiwa.

<sup>133</sup> Lesa alilaile uku Mutuma nakabili. Ena ali nokuba pano. Nshilesakamana nga cakutila nibanga abashacetekela nabakapumya bakema, fyonsé ifyo bengacita, ifyo ukubombela pamo kwasalangana, Yesu Kristu akesa, kibili akesa senda i Chalichi icasambwa no Mulopa, noku Cisenda mu Muulu. Mulandu nshi? Cena cili nokucitika. I Cebo cakwa Lesa efyo calanda.

<sup>134</sup> “Nga kuti mwacetekela, ifintu fyonsé kuti fyacitwa.” *Ico cintu caishibikwa*. Lesa efyo asosa, kibili cena tekuti cisele, tekuti cisunkanishiwe ukufumapo. Lesa efyo alanda, nga cakutila muli nokwikalafye nacena (Nomba...) nokukwata icitetekelo muli cena, cetekeleni cena.

<sup>135</sup> Cena teciuunda icishumfwika bwino bwino. Lesa tekuti apele iciunda icishaishibikwa bwino. Amasambililo kuti yapela iciunda icishaishibikwa bwino. Ifilonganino kuti fyashimikila

iciunda icishaishibikwa bwino. Lelo Lesa tekuti alande iciunda icishaishibikwa bwino. Kibili ici Cebo ni Lesa. Kibili tacawkata ukukana ishibikwa palwa Cena. Cena mumupwilapo caliba icaishibikwa.

<sup>136</sup> Nomba, i Chalichi cikalamba cicingililwa ne Cebo. Nomba, ilyo Yesu aishile, bushe Abomfeshe icakucingilila cimo cine? Ena mucine alibomfeshe.

<sup>137</sup> Ilyo Satana aishile kuli Ena, mu maka yakwe yonse, kabilis atile, “Nga uli Mwana wakwa Lesa, cita *fimo*, ifintu *fimo*.”

<sup>138</sup> Atile, “Calilembwa . . .” Ukubwelelafye ku Cebo. Satana a Mweseshe pa muluko panono. Lelo, Yesu, abwekelefye ku Cebo, “Calilembwa . . .”

<sup>139</sup> Kulya Ena alishele, pali cilya Cebo, ukulangisha kuli ifwe nge cilangililo. Nga fintu Alandile mu Bena Korinti Wacimo, intanshi . . . Yohane Washila 14:13, “Nimipela icilangililo.” Kibili cilya e cilangililo, ukutila tulingile ukutasha umupwilapo, tulingile ukubika ukusubila kwesu mu Cebo cakwa Lesa. Lekeni ifintu fyonse fimbì fibe ifya bufi. [Tapali amashiwi pali tepu—Kale.]

<sup>140</sup> Ico e cintu cimo icashininkishiwa. Lesa alipela ubulayo. Lesa ali nokusunga ubulayo. Bena batila, “Bushe *ici* cintu kuti cacitika shani? Kuti Asenda shani ibumba lya bantu capamo, nokusenamina kwa Kusendwa, ukuya mu mulu?” Nshishibe ifyo Ena ali nokucicita. Cena temulimo wandi ukwipusha ifyo Ena acicitilamo. Cena mulimo wandi ukubafye uwaiteyanya kuli cena. Alicilaya. Cili nokucitika. Ukucingilila i Chalichi Cakwe ukupitila mu Cebo.

<sup>141</sup> Kibili icintu cakubalilapo cali ukupelulula. Nomba batila, “Bushe tacili icamano nomba, nga Naba kuli *cino* chalichi, bushe ico tacili icisumafye nga *cilya* chalichi?”

<sup>142</sup> Kwabafye i Chalichi cimo ico mwiningabako. Tamwakatale ilunda kuli Cena. Imwe limbi kuti mwailunda ku ng’anda yakukumaninamo, ing’anda yakukumaninamo iya ba Methodisti, kibili umwakukumaninamo umwaba Prebyterian, kibili ne ng’anda ya kukukumaninamo iyaba Baptisti, kibili ne ng’anda ya kukumaninamo iyaba Pentecost. Lelo imwe mulafyalwa mu Chalichi cakwa Yesu Kristu, eico kwaliba i Chalichi.

<sup>143</sup> Shilya ni ng’anda shakukumaninamofye, uko abantu besa capamo, nga fintu mwankole ekala pali *uyu* musambo, ne nkunda pali *uyu* musambo, kibili—kibili na fimbipo. Ilyo lisenge lintu mukwata capamo, nga cakuti mulelya ifyakulya *fimo* fine.

<sup>144</sup> Lelo lintu caisa ku Chalichi cakwa Yesu Kristu, kwabafye inshila imo. Iyo Kufyalwa. Kufyalwa!

<sup>145</sup> Cena cabafye kwati muntu, kwati nga fintu Nanda imuku ingi, kwati ni mwankole ekele pa musambo, cileesha ukubika amasako yakwa peacock mu mapindo yaciko, nokutila, "Mwamona, Nine pikoki uwimya amasako." Mwamona? Ena ayabikile yena capamo, palwakwe umwine. Nga cakutila ali ni pikoki umwine mwine, icifyalilwa cakwe kuti caimya ulya umusango wa masako.

<sup>146</sup> Nga cakutila i Chalichi cakwa Lesa wa mweo Chalichi cakwa Lesa wa mweo, Cena kuti caleta i Cebo cakwa Lesa wa mweo. Iwe taufwile wabikako amasako yakwa pikoki apali ponsé. Kibili ne sako lyonse mulya kuti lyaba ilyabikwa capamo kuli pikoki. Iwe kuti wacetekela ico. Kibili nesako lyonse ilyo ilinga lundwa mu Chalichi icakwa Lesa lifwile ukubafye i Cebo cakwa Lesa. Ena tali nokubikamo icintu icili conse cimbi kano i Cebo. Ameni. Pantu, imibebe ya Mupashi ifumyamofye i Cebo. Ameni. Ndeumfwa ukuba uwa bukapepa. Nacilungama.

<sup>147</sup> Tecintu icili conse ico wingesha ukucita, icili conse ico wingapanga. Tekuti upange buka... Tekuti upange ipusukilo. Tekuti upange ifyabupe. Iwe ufwire wakwata ifyabupe. Icine cine. Mwamona? I—impaanga taicita ifyo, yena taipanga amasako. Yena yalikwata amasako pantu ni mpaanga. Yena yakwatafyne amasako. I—i—icimuti ca maceri tacipanga amaceri. Cena citwalafye amaceri, pantu umweo waciko waba muli iyo inshila.

<sup>148</sup> Kibili i Chalichi icakwa Lesa uwa mweo tacitungamo Ici, ukwesha ukuipanga bena beka ukumoneka kwati cintu cimo. Bena babafye kale ifyo baba, ukupitila mukusenamina ukwakwa Lesa. Kibili i Cebo cakwa Lesa calundwa pamo nabena, kibili nabena balundwa pamo ne Cebo. Kibili ne milimo ilya iyaletelwe na ulya umo uwawililika, Yesu Kristu, Lesa ukulangwa mu mubili, cena cili nokuilanga palwaciko ukupitila muli onse uwacetekela uwa fyalwa cipyaplya. Alandile ifyo. Ameni. Tecintu cimbi. Nomba, ico cintu cimo icakushininkisha.

<sup>149</sup> Nomba, cena kuti caba panono—panono icakufulunganya ku muntu, nga cakutila ena taishibe ukulila kwe penga. Nomba, umuntu uyo uushatala akanshiwa kwi penga, kibili tatala alyumfwapo, ukuba, kuti limbi abako uwa fulunganako panono lintu aumfwapo icintu cimo calila icapusanako kuco ena aumfwapo. Ena lyonse omfwa ukutila, "Yampanyeni ku chalichi. Twaleni kalata yenu *pano na pano*." Ico limbi kuti caba icalungama. Ico eco ena aishibafye.

<sup>150</sup> Lelo nomba lintu iwe wabwelelamo kunuma, palwa lubatisho lwa Mupashi wa Mushilo, ukulanda pa maka yakwa Lesa ne fintu ifyo Acita; kibili nefyo cilenga abanakashi na baume, bonse babili, balaiwamya ukufuma ku bwikashi bwa lubembu; nefyo cibalenga bena ukwenda muli bulesa, abacishinka. Kibili ne fintu ifyo cena cicita, kibili

nokuleta ulubatisho, ukulandila mundimi, ukundapa abalwele, ukutamfya ifiwa, ukusesema, ifya bupe, oh, ifimonwa, ifintu fyonse mu Chalichi. Alleluya! Ico nacilungama. Lintu cena caya, nomba cena cilaba icakufulunganya panono kuli abo abashatala abomfwa kuli lilya ipenga.

<sup>151</sup> “Ukuba,” watila, “ichalichi candi tacifundisha ifyo.” Nomba ninshi cena tacilelisha ipenga lya Mbila nsuma. Ubukata! Nacilungama.

<sup>152</sup> Lelo ku babulwi abakanshiwa, alleluya, lintu baumfwa ukulila kwe penga lilya, baleshiba ifyakwiminina mu mutande. Kuntanshi, mwebabulwi abena Kristu! Ubukata! Oh, ico nacishininkishiwa!

“Nimunshila nshi wingeshibilamo ukutila nacishininkishiwa?”

Cena cili pa Cebo.

“Ukuba,” iwe watila, “ichalichi cesu tacifundisha Ico.”

<sup>153</sup> Lelo ipenga nalilanda Ico. Nshilefwaya ukuba uwakanshiwa mu masambililo aya chalichi, pantu cena cili nokusunkana nokupona. Lelo nga cakutila walikanshiwa mu Cebo, imyuulu ne sonde fili nokupita, kibili ici i Cebo tacili nokupita. Isambilisho lyonse, icintu conse cimbi, cili nokupona. Lelo ici i Cebo tacili nokufilwa. Ameni. Ico eciunda. Ico eciunda Ndefwaya ukumfwa. Ee, mukwai.

“Oh,” iwe watila, “nimunshila nshi Ine ningeshibilamo?”

<sup>154</sup> Yesu atile, “Impaanga Shandi shumfwa iciunda Candi. Shena shalishiba ipenga Lyandi.” Atile, muli Yohane Washila, chapitala 14 na versi 12, “Uyo onse uucetekela pali Ine, imilimo yonse iyo Ncito na ena ali nokucita.” Nomba, Ena alandile ico.

Nga cakutila umuntu atila, “Ukuba?”

<sup>155</sup> Aba Hebere 13:8 itila, “Yesu Kristu aba cimo cine mailo, ileelo, no muyayaya.”

“Oh,” bena balandila, “mu nshila imo iyaibela.”

<sup>156</sup> Nomba, impaanga iine ine ili nokutila, “Uh-oh. Oh, icintu cimo calila, muli ico. Cena tacumfwikike icalungama. Oh, ico cifwile ukuba lipenga lyamu ci Frenchi. Ico tacaciba lipenga, pantu Baibebe tailanda icintu cimo icishalungama.”

<sup>157</sup> Yena itila, “Imwe muli nokupokelela Mupashi wa Mushilo.” Te, “Bulamba bwenu.” “Imwe muli, onse umo.” Ukufika pa nshita nshi? “Ku bana benu, kibili nakubana ba bana benu, kibili na bonse ababa ukutali, nabonse abengi abo Shikulu Lesa wesu ali nokwita.” Ena ali nokulisha ipenga mu mutundu onse na munkulo yonse, kibili bali nokumfwa Ishiwi Lyakwe. Bena bali noku Cicetekela, bonse abo abalashikilwa ku Mweo. Ameni. Bena bali noku Cicetekela pantu balishiba ukutila Cena li penga

lya Mbila nsuma ililelila. Lyena talili ilyakukana ishibikwa. Uwabulwi onse aleshiba ifyakwiminina.

<sup>158</sup> Nomba, imwe mwalimona Petro, na Yohane, Yakobo, kibili ne chalichi cakubalilapo, baleenda baleya ku ntanshi muli iyi inshila, pantu ipenga, Yesu atile, “Kabiyeni imwe kwi sonde lyonse, nokushimikila i Mbila nsuma.” Marko 16, mwamona, “Ifi ifishibilo fili nokukonka abo abacetekela.” Tulemona Petro, Yakobo, Yohane, bonse abashala nabatantama, baleya baleenda ukuya kuli Cilya.

<sup>159</sup> Kibili naifwe ukupilibukila mu nshila imbi ukufuma kuli Ico? Umo aleya ku ntanshi, na umbi alebwelela kunuma? Umo aletila, “Ukuba, cilya caciba ca muntu umbi. Cilya, cilya—cilya iciunda, caciba ca muntu umbi.” Oh, iyo. Tacifwile ukuba nicilya.

<sup>160</sup> Ababulwi bonse abena Kristu balomfwa ipenga. Lesa atile ilyo epenga. Ena tekuti acinje ico. Ico cine eciunda ico Alandile ukutila cili nokumfwikwa. “Ici abantu bonse bali nokwishiba,” kibili i Chalichi cena cafumako.

<sup>161</sup> Bamo pali bena tabacetekela pa Kwisa Kwakwefye. Baibebe yatila Ali nokwisa eico ifwe tulelolesha ku Kwisa Kwakwe. Nga cakutila Tali pano muno munshita ya bushiku, tuli nokulolesha kulucelo. Nga cakutila Tali pano mulucelo, tuli nokulolesha kuli mailo ubushiku ukufwaya Ēna. Kibili ifwe tuli nokutwalililapo ukulolesha. Nga cakutila twalala utwamfwa, ukwesu—ukwesu... ifwe ninshi tatufwile umutombo apafye. “Pantu ipenga lyakwa Lesa lili nokulisha lilya ipenga lyakulekelesha, kibili nabafwila muli Kristu bali nokubuka. Kibili ifwe fweba mweo nokubapo tukolwilwa capamo nabena, ukuya mukukumanya Shikulu mulwelele, kibili umuyayaya tukuba kulya.” Uko ekulila kwe penga. Nga cakutila Ndi no mweo nangu nga cakutila Nasendwa, tacilepangapo ubulekano nangu bumbo. Ndi nokumfwa iciunda. Ndi nokwima. Ubukata kuli Lesa! Ukwima. Oh, ee. Ee.

<sup>162</sup> Yesu atile, ukutila, “Ishandi impaanga shumfwa ishiwi Lyandi.” Ena ali e Cebo icasokolwelwe. Lintu... Ifyo efyo impaanga Shakwe shali Mwishiba.

<sup>163</sup> Nomba lolesheni paba Fariseo na bonse muli bulya ubushiku. “Oh,” batile, “uyu Muntu ni Belsebuli.” Lintu Aebele umwanakashi pacishima, apo, palwa membu shakwe, pabalume bakwe akwete, lintu Aebele Nathanaele apo ali, mwisamba lya cimuti apo Filipo amwitile, ukufuma mulya mwisamba lya cimuti icamukunyu, umo alepepa, mulandu nshi, balya bakafundisha bamuli bulya bushiku batile, “Uyu Umuntu ni Belsebuli. Ena ciwa. Ena nikasobela wafya kuntanshi.”

<sup>164</sup> Lelo ico tacali ifyo pamo na Petro, Yakobo, na Yohane, nabonse abashala. Balishibe ico. Mulandu nshi? Bena balishibe ukutila Lesa atile ukutila lintu Messiya ali nokwisa, pesamba

lyeshiwi ilyasubwa ilyakwa Mose, Ena ali nokuba kasesema. Kabili lintu bamwene filya ifintu ifyo Alandile fyasokololwa kabili nokupangwa ifyapwililika, balishibe ukutila cilya cali cakulya ica mpaanga. Balishibe ukutila lilya lyali lipenga. Kabili batampile ukulikonka. "Ishandi impaanga shalilishiba," pantu bena balimona i Cebo cakwa Lesa ukulangishiwa.

<sup>165</sup> Nomba, abantu ileelo, tabacetekela ukutila kwaliba icintu icaba ngokubatishiwa kwa Mupashi wa Mushilo. Baisa muno nangu ku ncende kumo uko bena bakwata u Mupashi wa Mushilo, kabili bamona ubulayo bwakwa Lesa bulefikilishiwa bwino bwino fye, mulandu nshi, "Impaanga Shandi shumfwa ishiwi Lyandi." Shilomfwa iciunda ice penga lilya pantu cena ni Baibele. "Yesu Kristu uwaba cimo cine mailo, ileelo, no muyayaya." Ena acili aba aba Hebere 13:8, bwino bwino.

<sup>166</sup> Nshilesakamana, nomba, cena tacipangapo ubupusano nangu bunono pampendwa yamapenga yamuchalichi ayenga lila. Ifwe twalikwata amapenga ayengi ayamu chalichi, namwishiba, ayalila ukushinguluka konse konse, yaletila, "Oh, inshiku shafisungosho shalipita. Takwaba icintu icaba ngo kundapa kwa maka yakwa Lesa."

<sup>167</sup> Oh, impaanga ineine taikutika kuli ico. Lelo shena shikutika kuli lilya ipenga, ilituntulu.

<sup>168</sup> Lilya ipenga lyamu chalichi kuti limbi lyalilila icintu icili conse. Imwe limbi...Lolesheni paco yena yakwata ileelo, amapenga ayamu chalichi. Umo aleya alebutukila alelungama *uku*, kabili na umo aleya alebutuka alelungama *kulya*. Kabili na ciwa naikala kunuma, aletila, "Mulumendo, bena balelwafye umo nomunankwe. Epelafye. Ine nshifwile nokusesha ukuboko kwandi."

<sup>169</sup> Lelo, munyina, lekeni bonse bese mukulwa pa nshita imo, ukubwelela kumafunde ayabikwa. Oh, owe! Nomba imwe muli nokumona ukuya "ku ntanshi, kwa bena Kristu ababulwi," nacilungama, abashileumfwa kumauta, lelo bena balekutika ku mapenga.

<sup>170</sup> Natwimininekofye, pakashita akanono, nokubwelela kunuma nokulolesha pafinono nomba. Apa tulepekanya ukwisala, pantu Nshilefwaya imisunge pano pa nshita iitali. Lelo lekeni tubwelelemo kunuma nokulolesha pali bambo abo abacumfwile ici iciunda. Natubule...Kabili bena bali abashininkisha. Nomba, Nimilangisha ifintu fimo fimbii fililila icilile lile. Natubulepofye umukalamba umo, pakashita akanono.

<sup>171</sup> Natubule kasesema Yobo. Nomba, ulya umuntu apitile mukweshiwa, lelo alishibe ukutila Lesa afwaya ilambo lyaocewa. Ifyo efyo Lesa afwaya, kabili efyonsefye ifyo Alefwaya. Kabili temulandu nobusanso bwacitike ku ng'anda yakwe...Lesa tafwaya lyonse...

<sup>172</sup> Lintu wamona icintu cimo cileya icalubana pa muntu, ico tacileplibula ukutila ena balemulopola kuli Lesa. Cena limbi tekuti cibe ukutila nafuma mubufwayo bwakwa Lesa. Ena aleshiba mu mutima wakwe nga cakutila alekutika kwipenga nangula iyo.

<sup>173</sup> Lesa awfaya ili ilambo lyaocewa, kabili na Yobo aiminine uwalungama pali ico. Epelafye. Batile, “Yobo, iwe uli mubembu wamu bumfisolo. Iwe ulecita icintu cimo icalubana.” Lelo ena alishibe bwino. Aikele uwalungama palya, pantu aumfwile iciunda ce penga, kabili aikele uwalungama palya pamo neco.

<sup>174</sup> Kibili, mukulekelesha, ukuyafye ukufika nakumpela, lintu ali... Ciwa bamukakwile pali ena, nokwipaya ulupwa lwakwe, kabili aipeye abana bakwe, aipeye ingamali shakwe, kabili asendele ifyuma fyakwe fyonse, kabili nokonaula ubumi bwakwe. Aikele pacishala. Amoneke kwati ifintu fyonse nafiya. Lelo ena nalyo line atile, “Ninjishiba Umulubushi wandi ali nomweo. Kibili munshiku shakulekelesha Akesa iminina pe sonde. Nangula imititi kuti yaonaula inkanda ya mubili wandi, cibe mu mubili wandi Ndi nokumona Lesa.” Tapali icintu nangu cimo icaba icibebebe palwa ico, bushe ekocali? Te, “Ine—Ine—Ine—Ine ndetontonkanya Ali no mweo.” Atile, “Ninjishiba ukutila Ali no mweo, kabili Akesa iminina mu nshiku shakulekelesha pano pe sonde. Nangula imititi kuti yaonaula inkanda ya uno umubili, cibe mu mubili wandi Ndi nokumona Lesa.” Oh, owe! Cena calicitike. Ena ali uwashininkisha.

<sup>175</sup> Abrahamu, afumine aleenda mu mpanga ubushiku bumo, aumfwile Lesa atila, “Abrahamu, Ndi nokucita...” Akumenye Abrahamu ilyo takulaba i Cebo icalembwa, kabili Atile, “Abrahamu, Ndi nokukupela umwana umwaume ukupitila mu mukashi obe, Sarah.” Kibili akwete imyaka amakumi mutanda naisano iyakufyalwa pali ilya inshita, kabili Abrahamu ali na makumi cine lubali naisano. Kibili baipekenye palwa ico, kabili tali nensoni ukupela ubunte. Alishibe ukutila ali nokukwata umwana.

<sup>176</sup> Kibili na Baibele yatila, “Tatensiwe iyo pabulayo ubwakwa Lesa ukupitila mukukana cetekela, lelo bamwebele mukupwilapo.” Amen. Ukumweba mukupwilapo, ico cileplibula ukutila ena nakumanya uwapwililika. Amen. Ifyo efyo cena cali. Icapwililika empela ya musebo. Cena e cintu icakulekelesha. Cena—cena cintu capwililika conse.

Atile, “Ine ndi uwashininkisha mukupwililika ukutila, ico Lesa alaya, Lesa ali nokucicita.”

<sup>177</sup> Bushe iwe uli, munshita ino iyabushiku, bushe iwe naushininkisha mukupwililika ukutila uyu e Mupashi wa Mushilo? Bushe iwe naushininkisha mukupwililika ukutila iyiine e nshila? Bushe iwe naushininkisha mukupwililika

ukutila, Ena e Kondapa? Bushe naushininkisha mukupwililika ukutila Ali nokubwela nakabili? Bushe iwe naushininkisha mukupwililika ukutila Ena aba cimo cine mailo, ileelo, no muyayaya? Ameni. Uwashininkisha mukupwililika! Ee.

<sup>178</sup> Natubule naumbi umo, Eliya, naiminina palya pamuulu pa lupili. Ena aebele Yesebele pa cinsö cakwe icapentwa, kabilo cali kwati ena atendwa palwa ico. Mupepi na bonse abanakashi baipashanya kuli muka kateka, palwa kubeya kwa mushishi kabilo na conse ico bakwete muli bulya ubushiku. Ena alandilepo apakalamba nganshi mpaka cena—cena camulengele kwati amucimfyia.

<sup>179</sup> Mukulungatana, Lesa atile kuli ena, “Kabiye kulya. Namwishiba, kwena iloka muli shibili nangu shitatu inshiku mu mulungu umo, pano pene. Lelo keminine kuli Ahabu, kabilo umwebe, ‘EFYA SOSA SHIKULU. Imfula taili nokuloka ukufuma ku muulu mpaka Ine nkaite.’” Oh, owe!

<sup>180</sup> Ena tatille, “Nomba, Ahabu, limbi, limbi kuti cena cabombela muli iyi inshila.” Oh, iyo. Ena alyebelwe mukupwililika, tapali nangu cimo icacibebebe. “Imfula taili nokuloka, imfula taili nokwisa, mpaka Ine nkaite.” Ameni. Ubukata! Oh, mulandu nshi? Aumfwile ipenga. Lyena lyali ilyacishinka. Aishibe Lesa wakwe. Alishibe ukutila icintu cimo cili, lintu Lesa alandile cilya i Cebo, imyuulu yonse na pesonde fili nokupita mpaka cena—cena cikacitike, cena cifwile cacitika. Ena alyebelwe icine cine.

<sup>181</sup> Nomba, Atile, “Eliya, Ndefwaya iwe uye kulya muncende umushaba amenshi mu calo, uye unine palupili apashaba utumfuku mfuku. Lelo Ninkwata kamo kulya akobe.”

<sup>182</sup> Alyebelwe mukupwililika. Aninine pamuulu wa lupili nokuya ikala mupepi nakamana ka Cherith. “Kabili nomba cinshi ico Ine nalacita kuno?”

“Ninjeba kale ba mwankole uku kulisha.”

<sup>183</sup> “Nomba, ba mwankole aba balishani... Nomba, lolelako panono, Shikulu”? Iyo, iyo. Ipenga nalilila. Ico nacilinga. “Nimumusango nshi cena calacitikilamo? Nshishibe. Nshilesakamana. Mwamona? Cena tacili candi ukusakamana palwa ico. Uyo mulimo wakwa Lesa. Atile Aebele ba mwankole.”

<sup>184</sup> “Ukuba, Shikulu, bushe mukwai kuti Mwacilondolola kuli ine, nokunjebafye uko bena... lisukulu nshi ba mwankole baileko, ukuti basambilile ukulanda ici Hebere? Musango nshi uwa... Bushe bepikila pa fitofu fya mwela, nangu bushe bena balikwata inkuni, nangu nimumusango nshi bena bacitilamo ico? Kabili ni kwisa uko bena... Musango nshi uwa nama untu baleipaya? Bena fyunifye ifinono. Nimumusango nshi balanjipailamo inama, ukuti bandetele umukate wabikwamo inama pakati?” Mwamona? Mwamona? Ico tacali nokwipushiwa.

<sup>185</sup> Lesa, i—ipenga ilyakwa Lesa, Ishiwi Lyakwe elyalandile nokutila, “Ine ninkwata!” (Te, “Eliya, Ine limbi kuti nacita ico.”) “Ine nincita ico.” (“Ine ndi nokucita ico.”) “Ine kale kale nincita ico.” Ameni.

<sup>186</sup> Uyo e Lesa wesi, muno bushiku. Te, “Ali nokucita ico.” Ena kale kale alicita ico. Ameni. Ena kale kale alicita ico. Ameni. Te, “Ali nokucita; Ena limbi; limbi Ali nokucita.” Ena kale kale alicita ico. “Ine ninjeba ba mwankole.”

<sup>187</sup> Abikile u Mupashi Wakwe pa bantu bonse. Abikile amapalo Yakwe. Aninine ukuya mu Muulu, nokupela ifyabupe ku bantu. Umuntu umo ali nokukwata ico. Umuntu umo ali nokucikana. Cena temulimo wandi ukwishesha ifyo cena cisa. Cabafye ukuti cifiye palya. Lesa atile cena cili nokuba ngefyo, kibili cena efyo caba. Petro atile, pa Bushiku ubwa pa Pentecosti, “Lapileni, onse umo pali imwe, kibili nokubatishiwa mwi Shina ilyakwa Yesu Kristu pakwelelwa ukwa membu shenu, kibili muli nokupokelela icabupe, Mupashi wa Mushilo.” Nimumusango nshi Cena cili nokwishesha? Nshishibe. “U—ubulayo buli ku bana benu, nakuli abo abali ukutali, nangufye abengi abo Shikulu Lesa wesi ali nokwita.” Nomba, iwe tekuti ulondolole muli iyo nshila. Ipenga nalilanda, kibili Nincetekela ico. Ine ninakila ico, kibili ninkwata ico. Ameni. Nomba esha ukucita ifitala naine ukufuma pali ico pamuku umo. Ameni. Oh, Ine nshapwililika. Iyo.

<sup>188</sup> Kwati nibulya ubushiku, nkashi uwafita umukalamba, atile, “Wemukalamba, bushe kuti Napela ubunte?”

“Ee, mayo.”

<sup>189</sup> Atile, “Ndefwaya ukulanda ici cintu cimo.” Atile, “Ine—Ine—Ine nshili ifyo Mfwile ukuba.” Kibili atile, “Nshili ifyo Mfwile ukuba. Lelo, kuliko icintu cimo ico Ine naishiba, Nshili ifyo Nali.”

<sup>190</sup> Eico, ico, ico enshila ifwe tuleumfwilamo pali cena nomba. Ine nshili ifyo Nali, pantu Ine nimpusuka muno bushiku, ukupitila mukusenamina kwakwa Lesa, namukupokelela ulubatisho lwa Mupashi wa Mushilo, pakulashikwa umulimo. Wena wapongolwelwe palya pa Bushiku bwa Pentecosti, ubulayo bwapelwelwe kibili Nacetekele ico. Tapali nangu cimo ici shaishibikwe bwino bwino. Naumfwile iciunda. Nalicinakile, kibili Ndi uwashininkisha ukuti ifyo efyo cena caba. Icine cine. Ninjishiba ifyo fine efyo cena caba. Icine.

<sup>191</sup> Simeoni, icikolwe cakale nalimo imyaka yakufyalwa amakumi cinekonse konse, imyaka imyanda ukutula apo kasesema aishile pe sonde, lelo aleendauka konse nobwiminishi ubukalamba ubusuma. Mupashi wa Mushilo alandile kuli ena ubushiku bum, atile, “Simeoni, nawishiba, tauli nokufwa mpaka ukamone ipusukilo lyakwa Shikulu.” Mubukata!

<sup>192</sup> Nalimo limbi shimapopo mukalamba, aleikataula ku myefu yakwe imiku iinono, kibili atile, "Simeoni, iwe uwfile ukulasakula imyefu yobe kulya lubali."

Atile, "Ico tacilepangapo ubupusano nangu ubunono."

"Kuti waishiba shani ukutila iwe naulungika?"

"Mupashi wa Mushilo eunjebele ifyo. Ine nshili nokufwa."

<sup>193</sup> "Mulandu nshi, Simeoni, mulandu nshi, iwe uli... Mulandu nshi, iwe naualingila ukufwa nombaline."

<sup>194</sup> "Oh, Ine nshilesakama ifyo ulelanda. Lelo Lesa eunjebele Ine ukutila nshili nokufwa mpaka Nkamone ipusukilo Lyakwe. Tapali nangu cimo icishaishibikwa bwino. Nshili nokufwa. Nshili nokumona imfwa mpaka Nka Mumone." Ameni. Ifyo efyo cili.

"Nimumusango nshi iwe uli nokucitilamo ico, Simeoni?"

"Ine, uyo temulimo wandi."

"Nikwisa uko Ali, Simeoni?"

"Nshishibe."

"Wishibe shani ukutila iwe uli nokumumona Ena?"

<sup>195</sup> "Lesa efyo asosa. Epelafye. Cena e Cebo. Ine nshili nokufwa mpaka Nkamumone Ena." Oh, owe!

<sup>196</sup> "Oh, we mutnu mukalamba umulanda. Ifyo fine, ena nafuma pa mutwe wakwe, namwishiba. Mulekeni abefye."

<sup>197</sup> Lelo ena ali mumwene Ena, nangu cibe ifyo. Ee, mukwai. Lesa alapanga inshila pa bantu abo abasenda i Cebo Cakwe.

<sup>198</sup> Yesu, lintu Ali pano pe sonde, Aiminine palya pa nshinshi yakwa Lazaro.

<sup>199</sup> Nangu, ilyo ico tacilacitika, lintu Ali mu bwafya pamo—pamo na bantu, pakulanda pafyo Ena, ilyo talati afike pa myaka amakumi yasano ayakufyalwa, kibili atile ukuti Alimumwene Abrahamu. Mwamona ifyo Ena ali uwaiminina pa cituntulu? Atile, "Ilyo Abrahamu talabako, NABA. NABA." Te, "Nali," nangu, "Nkaba," lelo "NABA. Ninjiminina pacituntulu."

<sup>200</sup> Nomba, Atile, pa nshinshi yakwa Lazaro, lintu Ena talaya kulya, Ena atile, aebele Malita, Atile, "Nine kubuka, u Mweo." Te, "Ndi nokuba," nangu, "Ndi nokuba," lelo, "Naba." Ameni.

<sup>201</sup> "Munyinane, nga cakutila Iwe wali pano, nga tafwile. Lelo nangu ni nombaline, Shikulu, conse ico Waipusha Lesa, Lesa alacipela kuli Iwe."

Atile, "Ndume yobe ali nobuka nakabili."

<sup>202</sup> "Oh, ali nokubuka munshiku ishakulekelesha pakubuka kwa cinkubawile. Ena ali umulumendo umusuma. Ee, Nincetekela ali nokubuka."

<sup>203</sup> Lelo Yesu aololweke Ena panono, palwakwe, palya, atile, “Lelo Ine nine kubuka kibili Umweo.” Te, “Ndi nokuba; Mfwile ukuba,” nangu ifyaba ngefyo. “NABA.” Takwaba icintu nangu cimo kulya, takwaba nangu cimo icakunenuka, icakusunkana palwa ico. Takwaba nangu cimo icishaishibikwa bwino. Cena caba icituntulu.

<sup>204</sup> “Nine ukubuka kibili Umweo. Onse uyo uwacetekela muli Ine, nangu afwile, lelo akaba no mweo. Uyo onse uuli no mweo kibili uwacetekela muli Ine takatale awfa.” Te—te, “Bena tekuti. Bena limbi tekuti.” “Bena tekuti. Tapali—tapali nangu cimo icishaishibikwa palwa ico. Tabali nokufwa.”

<sup>205</sup> “Ena onse uyo uumfwa i Fyebo Fyandi nokucetekela pali Uyo uwantumine Ine nakwata Umweo wa muyayaya, kibili takese na Mubupingushi, lelo kale kale napula ukufuma mumfwa ukwingila mu Mweo.”

<sup>206</sup> “Bena tabafwile ukwisa ku Bupingushi”? Bena tabafwile ukwisa ku Bupingushi. Ameni. Ena asendele Ubupingushi bwandi. Nshakwata nomulimo palya. Ameni. Mwaumfwa imwe. “Ukupula ukufuma mumfwa ukwingila mu Mweo.” Oh!

<sup>207</sup> Nomba atile ena nacetekekela ico. Nomba, Yesu tatalile atila, “Ukuba, namwishiha, ukuba icakutila iwe naucetekekela ico, kibili nawishiha ukutila Nine i Cebo, kibili—kibili Ine—Ine. . . Imwe namwishiha ukutila Nine Ulya uufwile ukwisa. Iwe nau landa ico. Iwe naucetekekela ico. Nalakweba ico ifwe tufwile ukucita. Natuleya ukuya leta abakalamba capamo, kibili tuye nokumona nga cakutila kuti twacita icintu cimo palwa ico.” Iyo, iyo. Atile, “Ndi. . .” Te, “kabiyen *nokumona* nga cakutila Ine kuti namubusha.” “Nalaya nokumubusha.” Ameni. Tekuti, “Ndi—Ndi no kwesha.” “Ndi nokucita.” Tapali icakutwishika. Ico tacali iciunda icishaumfwikike, lintu Atile, “Ndi nokucita. Ndi nokucita.”

<sup>208</sup> Kibili umuntu Umo wine atile, “Ndi nokucita,” ninkupangila ubulayo. Alleluya! Oh, owe! Ameni.

“Ine nalaya nokuya mubusha.”

<sup>209</sup> Nakabili Atile, “Ndi nokonaula ili itempele, kibili Ndi nokumona ico Ndi nokucita palwa lyena”? “Iwe nga waonaula ili itempele, kibili Ndi nokulimya lyena nakabili munshiku shitatu.” Tapali nangu cimo icakutwishika. “Nomba Nalaeshako. Imwe bonse mwiminine nokumona nga cakutila Ine kuti nacita ico nangu iyo”? Ah, iyo. “Ine ndi nokulimya.” Tapali nangu cimo icishaishibikwa bwino. “Ine ndi nokulimya. Iwe—iwe conaule; Ine ndi nokulimya.” Oh, owe!

<sup>210</sup> Mulandu nshi? Ena alishibe ukutila Ena ewali ulya Umuntu, mu Malembo, ulya untu Davidi alandilepo. “Nshakaleke umweo Wakwe ukuba kumbo, nangula Ine ukuleka Uwashila Umo Uwandi ukumona ukubola.” Kibili Alishibe ukuti Ena emo aali

muli bulya ubulayo bwamu Malembo, eico Ena ali uwalandia icituntulu.

<sup>211</sup> Nomba, tekuti tube abasuminishako? Tulemubula Ena, nge cakumwenako, pafintu fimo fimbi. Apofye i Cebo cakwa Lesa calandile ico, bushe tekuti tube abasuminishako palwa Cebo nga fintu Ena ali pali cena?

<sup>212</sup> “Nine kubuka no Mweo.” “Ndi nokucimya nakabili.” Ameni. Mulandunshi? Ena alishibe ukutila i Cebo calandile palwa cena, kabilis Ali uwashininkisha ukutila cili nokwisa moneka.

<sup>213</sup> Nga cakutila Ine nine ulya umuntu mulya muli Yohane 5:24, “Ena uyo uumfwa i Cebo Candi nokucetekela pali Ena ulya uwa Ntumine, nakwata Umweo wa muyayaya, kabilis Ndi nokumwimya nakabili pa nshiku shakulekelesha. Takese mu Bupingushi; napula ukufuma mumfwa ukuya mu Mweo.” Ico cili—ico cili nifwe. Kabilis cinshi ico toletina? Ubwafya buli pesa?

<sup>214</sup> Bupusano nshi ubo cena cilepanga pe shina ly a cakufwala ufwele? Iwe palobe kuti waita ukutila *nici*, *cilya*, nangu *cimbi*. Ifwe tuli bana bakwa Lesa, ukupitila mukusenamina kwakwa Lesa. Ifwe twalisulamo na Mupashi wa Mushilo, ukupitila mukusenamina kwakwa Lesa. Bupusano nshi cilepangapo palwa kutila *ici* cimo ni *cilya* nangu *cilya*, nga cakutila ena ni Presbyteriani, Methodisti, Baptisti? Nga cakutila ena alisulamo na Mupashi wa Mushilo, ena alikwata ukubuka ukwa Mweo muli ena. Ameni. Ee. Nomba, pa Bushiku ubwa Pentecosti . . .

<sup>215</sup> Yesu alibebele, muli Luka 24:49, “Moneni, Ndetuma ubulayo.” Te, “Ine limbi ndi nokucita ico. Ndi nokumona ico Ine ndi nokucita palwa ico.” “Ndi nokutuma ubulayo ubwa kwa Taata Wandi pali imwe. Lelo kabiyenii kulya ku musumba wa Yerusalemu nokulolela mpaka imwe mukesulemo na maka.”

<sup>216</sup> Nomba, nga cakutila bena balolele pa nshita, tutile, oh, inshiku mutanda, elyo batila, “Cinshi ico tulelolelapo? Ndecetekela tufwile ukupokelela ico ukupitila mukucetekela. Bushe tamuletontonkanya ifyo?”

<sup>217</sup> Nga cakutila Yakobo atile, pa-pa bushiku bwalenga pabula, atile, “Simoni, isa pano pakashita akanono. Namwishiba, ubushiku bumbi Nalikwete imyumfwile iyaibela. Mwamona? Kabilis namwishiba ico Nacetekela? Ine—Ine—Ine ndecetekela Ena talefwayafye ifwe ukulolela pa ncende pano. Ndecetekela ifwe natukwata—ifwe natukwata ico kale. Bushe tamuletontonkanya ifyo? Lekeni tutwalililepo nomulimo wesu. Lekeni tutwalilile nobupyungishi bwesu”? Oh, cena nga tacacitike.

<sup>218</sup> Mulandu nshi? Bena balishibe ukutila kasesema atile. Nomba kutikeni. Kasesema atile, “Icilembo cifwile ukuba pacilembo cinankwe, umushilwa ufwile ukuba pa mushilwa unankwe, pa mushilwa; apa akanono napalya akanono.” “Ikatilileni kuli ico icabe icisuma.” “Pantu kukumemensela kwa

milomo kabiili nendimi shimbi Ine ndi nokulanda kuli aba bantu. Kabiili ici ekutusha, isabbata.” Bena balishibe ukutila icintu cimo cili nokucitika lintu Cena caisa.

<sup>219</sup> “Ndi nokupongolola Umupashi Wandi mu bushiku bwakulekelesha.” Yoele 2:28, “Cena cikesa fikilishiwa mu nshiku shakulekelesha, efyo Lesa alanda, Nkapongolola u Mupashi Wandi pa muntu onse, kabiili abana benu abaume na banakashi bakasesema. Pali bacishiko Bandi abaume na pali bacishiko ababomfi Nkapongolola u Mupashi Wandi, muli bulya ubushiku. Nkalanga ifishibili mu muulu pa muulu kabiili—kabiili na pe sonde pe samba, kabiili umulilo, necushi, na menshi ya cushi.”

<sup>220</sup> Bena balishibe ukutila kwali nokuba ukwishesiba kumo ukufwile kwaendela pamo nakulya ukwisa kwa Mupashi wa Mushilo. Bena tabalesenda iciunda icalelila icililelile. Lelo lintu baumfwile ukutila icintu cimo casela, nokumona icishininkisha camuli Baibebe cileendela pamo na cena, bena tabali abasha cishininkisha. Bafumine nokuya mulya mumisebo. Njeeleniko. Oh, owe! Bena bali abashininkisha cena ukutila cali ni Mupashi wa Mushilo.

<sup>221</sup> Namwishesiba ifyo bena bali abashininkisha? Mpaka, Petro, ulya umunono umuntu uushasambilila, atolweke mu muulu nokutolekela pa cishiki nangu pacibokoshi, nangu pa ncende pamo, nokutila, “Imwe mwe bantu bamu Yudea,” icifuba icinono nacitumuka kwati ni mukolwe umunono uwakalipa. Atile, “Imwe mwe bantu aba mu Yudea, imwe mwebaikala mu Yerusalem! Ine nacimitina, pakashita akanono akapitapo; Nshili ifyo, nomba. Lekeni ici cishibikwe kuli imwe, kabiili kutikeni ku fyebo fyandi. Aba tabali abakolwa kwati fintu imwe muleingililamo cena ukuba. Lelo ici *ni Cilya*.” “Ifwe *tulesubila* ici *ni Cilya*”? “Ifwe *naturcetekela* ici *ni Cilya*”? Atile, “Ici *ni Cilya* cilya icalandilwe na kasesema Yoele.” Alleluya! Tapali nangu cimo icakutwishiwa palwa ico. “Ici *ni Cilya* cilya icalandilwe na kasesema Yoele.” Oh, owe!

<sup>222</sup> Yesu atile, muli Marko 16, lintu apele i Chalichi Cakwe umulimo, “Kabiyyeni bonse mwi sonde, nokushimikila i Mbila nsuma.” “Ifi ifishibili limbi fili nokuba; fyena fili nokuba, umuku umo mukashita akanono, limbi”? “Bena bali nokuya pamo nabalya abacetekela. Ifi ifishibili fili nokukonka balya abacetekela. Mwi Shina Lyandi bakatamfishamo ifiwa. Bakalandila mu ndimi ishipya. Nga cakutila bena baimya insoka nangu banwa sumu, taili nokubacita ububi. Nga cakutila babika amaboko yabo pa balwele, bali nokundapwa.” Tekuti, “Limbi.” “Bali. Ifi ifishibili fili nokukonka bena abo abacetekela.”

<sup>223</sup> Lekeni njipifye ico, mukulanda ici, munyina, nkashi, pama mineti ayanono ayalakonkapo. Nincetekela ico. Ndecetekela ukutila ifintu fimo fimbii, icintu conse ico icili icapusanako kuli Ico, ninshi cena tacili icalungama. Ndecetekela, icintu

conse ico icili icakulwisha Ico cili nokupona. Ndecetekela, Ine nshilesakamana kubabombela pamo banga, nangu nitunga *utu* utuma ismu kabili *nailya* ismu, kabili na chalichiismu kabili na Romanismu, kabili na fyonse ifyashala, Americanismu ne fintu fyonse fimbii fili nokupona.

<sup>224</sup> Lelo cilya i Cebo cili nokwiminina Umuyayaya, pantu Cena Cebo. Kabili ilyo cena tacilaba i Cebo, cena cifwile caba itontonkanyo. Kabili icebo litontonkanyo ilya langwa. Kabili Lesa, mu Muyayaya, cena caishile mu mano Yakwe. Alangishe amatontonkanyo Yakwe. Cena cali Cebo, kabili ne Cebo cifwile casokololwa.

<sup>225</sup> Uyo wine emulandu, lintu Alandile pali Messiya, kwali nokwisa Messiya. Alandile ukutila kuli nokuba i Chalichi mu nshiku shakulekelesha, ukwabula itoni nangu ulukanshi pali cena; kuli nokuba i Chalichi kulya. Alleluya! Alandile ico. Ine nabula i Cebo Cakwe. Nacetekela cena.

<sup>226</sup> Ndecetekela ukutila Ena alaile Mupashi wa Mushilo ku wacetekele onse uyo uuli nokucetekela. Ndecetekela Petro, pa Bushiku ubwa Pentecosti, lintu ashimikile lilya isambilil ilyaishibikwe, nokubeba bonse ukulapila nokubatishiwa, ukutila ifi ifishibili fili nokwisa, kabili *ic!* "Uyo onse uuketa pe Shina lyakwa Shikulu ali nokupusuka." Ndecetekela ico e Cine; ukwiminina pali cena. Nalicimona cena calangishiwa.

<sup>227</sup> Ninjishiba Ndelwa na cena. Kabili Ninjishiba Ine ndeesha ukupanga ulutampulo. Ilyo Nshilapanga ulutampulo, Mfwile naputula conse icabulwi, ifimyangashi fya myunga, ifintu fyonse fimbii, ukufumya fyena mu nshila. Lelo cila nshita iwe wapanga ulutampulo, iwe uleenda ukuya ku ntansi. Ameni. Bulafye umwele nokuputula cena.

<sup>228</sup> Imwe mwe bengi ibukisheni Paul Rader, cibusa umusuma nganshi. Nalifye kashimikila umulumendo, umwaice. Naleyka ku Fort Wayne, ukumfwa kuli ena, kulya ku Rediger Tabernacle. Umuntu uwaina umukalamba! Ena alebwelela kunuma, atintila itoloshi lyakwe mu muulu, aimya ukuboko nokubuluma kwati nge cibili, kabili Naletontonkanya ena kuti atoloka ukuya ku cintamba. Lintu alefwaya... Kabili aletampilapo ne lembo, ee, Mukutendeka, nokushalikisha mu Kusokolola, ukuya onse kunuma na kuntansi. Paulo ali umuntu umwine mwine.

<sup>229</sup> Mukulanda ubushiku bumo, atile, "Naleimya imilando mu Oregon," uko ena afuma. Atile, "Ubushiku bumo, namwishiba," atile, "Ine—Ine nalifye mu mulimo wabu missioni mu fyalo, kumbi kulya ku ncende imo." Nindaba nomba apo cena cabelele. Kabili alecita umulimo wabu missioni.

<sup>230</sup> Acetekele muli Lesa, acetekel mubundapishi bwa maka yakwa Lesa. Kabili Paulo atile, pano pene apo ichalichi ca mwisonde caiminina ileelo, atile, "Nga cakutila Ine natwele imfila yakusenamina kuli ba Pentecosti basamwa, mucifulo

icakucita ico Ine ncitile pamo naimwe mwe bumba,” atile, “kabili calengele ine palwandi ukusakamana, naitilwe ku ncende imiku amakana ama dollar amakana aya nkongole. Nalisakamene pa lwandi mpaka Nakwata nepwalonda, nokuti ndefwa nomba. Nga cakutila Ine natwele imbila yandi iyakusenamina kuli ba Pentecosti basamwa, Lesa nga alimpalile mubwingi pali ico.” Nacilungama.

<sup>231</sup> Atile ali mulya mu—mu mateshi, kabili akwete ubulwele bwampepo ubukali nangu icintu cimo. Cena cali icabipisha. Kabili ali mulya mwine umutali mu mateshi, kabili uwacetekela uwa maka mubundapishi ubwa maka yakwa Lesa. Kabili atile alwalileko nokulwala. Apepele, apepele. Kabili bambo ba missioni batile balabulafye ubwato nokuya senda dokota. Mulandu nshi, cena cali nokubasendela inshiku pakusenda dokota. Kabili atile, “Ine—Ine . . . Mwicita ico. Cilekenifye cibe.” Atile, “Nga cakutila Lesa tangundepe, ninshi Ndeya ku Ng’anda.”

<sup>232</sup> Eico atile umukashi wakwe aikele mu muputule pamo naena. Kwena kwtwalililepo ukufita nokufita. Kabili atile aitile umukashi wakwe, atile, “Wemutemwikwa, ikatilila ukuboko kwandi.” Atile, “Twalililapofye ukulampepelako. Kwena kwaya kulefita nomba.” Atile, “Ine—Ine nincetekela ifinshingwa fileponena pali ine.” Atile, “Ikatilila . . . Ikatililafye ukuboko kwandi nokupepa, ilyo Ndeya.” Aiokenye umwine palwakwe, muku kumanya Lesa.

<sup>233</sup> Ena califye kwati afwapo umutombo. Kabili atile alotele ukutila abwelele kuno kwine mu Oregon nakabili, ngo muntu umwaice, aleputula ifimuti. Kabili atile umukalamba uwa pa nkambi atile, “Paulo, kabiye pano kulubali lumo ulwa lupili, kabili uteme icimuti, ica cipimo cimo.”

<sup>234</sup> Atile abutwike ukunina ulupili na molu yakwe aya cilumendo, kabili nokutema icimuti cawa panshi, kabili nokucipaulako cena, nokubika isembe panshi. Atile ifyo cilya icimuti icanaka, nelyatwa, ilikalamba, isembe lyatwila konse kubuli lyaletema ukwingila mu cimuti bwino nganshi. Kabili atile ena aciakatilile, atontonkenye ukuti, “Ukuba, Nala cisunkilafye panshi ya lupili.”

<sup>235</sup> Umusuma, umuntu uwakosa, atile, “Nalekansha ifyakubika amakuvi yandi pamo, nokwima panuma yandi, icipandwa icikalamba ica muntu.” Iminofu yakwe yali munuma yakwe na pamabeya, na kunuma ya molu yakwe. Atile, “Ine kuti naimya icimulando icikulu,” nokucibika pamabeya yakwe, nokufumapo. Lelo atile, “Cilya califye mulandofye, lelo,” atile, “Ine fye . . .” [Munyina Branham aumapacakulandilamo—Kale.] (Munjeleleko.) Atile, “Ine nalefilwa ukusesha ulya mulando.” (Munjeleleko.)

<sup>236</sup> Atile, “Ine nalefilwa ukusesha ulya mulando.” Atile, “Nalilwisha, kibili Nalwisha kibili Naeseshe ukuupinga, kibili Nafililwe ukucita ico.” Atile, “Napwisheshe amaka yandi yonse muli ine.” Atile, “Nafililwe ukusesha ulya mulando.” Kibili Natile, “Mukushalikisha, Naishilenaka nganshi, nalikeleko nashintilisha kucimuti nokupukuta icibe. Nalifye uwafunshika.”

<sup>237</sup> Kibili atile, “Panuma ya kashita, Naumfwile ishiwi lyu mukalamba wa ncito wandi.” Lelo atile, “Lyena lyalu lishiwi ilyawamisha ilyo Nshatala umfwapo.” Kibili atile, “Ilyo Napilibwike, ishiwi lyatile kuli ine, ‘Paulo.’ Kibili Natile, ‘Ee, mukwai, ni cinshi?’ Atile, ‘Mulandu nshi uleukulwila?’” Atile, “Ukuba, iwe wacinjeba ukuuleta kulya ku nkambi, kibili Imfunshikefyemewine, kuli wena. Ine fye—Ine tekuti ncicitefyemewine, mukwai.’ Atile, ‘Paulo, bushe taulementa ulyo mulonga wa menshi uuleya *kulya* kwine?’ Atile, ‘Ee.’ Atile, ‘Kalya kamulonga kaisafye ku nkambi. Mulandu nshi teti uposelefye mumenshi, ukutolokela pali wena nokunina ukuya ku nkambi?’ Atile, ‘Ine nshacitontonkanya pali ico.’”

<sup>238</sup> Eico ena ausunkilefyemewine, mulya mumenshi, nokutolokela pali lwena, atile, “Oh, owe!” Atendeke ukusabaula amenshi, nokulatoloka, nokubilikisha, pamulu we shiwi lyakwe, ilyo ena aile pamulu wamabimbi, kibili ukuya ukupita mumenshi, ifintu fyonse, nanina pali uyu mulando, aleya pansi, alepunda ukutila, “Ninina pali wena! Ninina pali wena!”

<sup>239</sup> Atile, icintu cakubalilapo, ilyo aishilebuka, ali pakati pansi, nomukashi wakwe alebilikisha nankwe. Ena alebilikisha ukutila, “Ninina pali wena! Ninina pali wena! Ninina pali wena!” Mwe babwananyina!

Ifyalo filepatukana, Israeli alebuka,  
Ifishibilo ifyo Baibele yalandile libela;  
Inshiku sha Benafyalo shapendwa, ne  
fyakutinya ifingi;  
“Bweleleni, O mwe basalangana, ku mwenu.”

<sup>240</sup> Iyi Mbila ya Cebo cakwa Lesa e Cine. Ba nomweo nangu ufwe, Ndenina pali Yena. Nshilecita... Nshilelandalanda pali Cena. Nshileesha ukulanda landa palwa Cena. Nali Cisendafye, kibili Ndenina pali Cena. Lekeni bakasusha beme. Ndi nokulasa imfuti yonse. Ndeingila munkambi, bumo pali shino nshiku, ninshi ninina pa Cebo cakwa Lesa. Ameni. Ndi uwashininkisha ukufika kulya.

Natupepe.

<sup>241</sup> Mulandu nshi wingalalwishanya necisendo calubembu? Mulandu nshi wingabelu mumibebe wabelamo, tawishibe apo wiminine, ukubutuka ukufuma ku chalichi ukuya ku chalichi, kibili ukufuma ku ncende ukuya kuncende? Mulandu nshi tekuti ucisunkilemofye, pa lupanda, muno bushiku, nokunina pa

Cebo? Mulandu nshi ushinga sendela ubulayo bwaka Lesa muno bushiku nokuninapo ukufuma mufiko, ukuya mumakumbi makumbi, umwaisuka ngefyo? Wilalwa na Cena. Wisakamana kuli Cena. Cetekelafye Cena, sumina Cena. Bwena Bufumu ubushinga seshiwa. Nina pali Bwena.

<sup>242</sup> Nga namulwala muno bushiku, sendeni ubulayo bwakwa Lesa, "Nine Shikulu uundapa amalwele yenu yonse."

<sup>243</sup> "Musango nshi Ndi nokundapwa, Munyina Branham? Dokota atila Ninkwata ubwafya bwa mutima, Ninkwata ipwalonda, Ninkwata *ici, ico*," conse ifyo cili, "Ndi nkoma matwi, cibulu. Ndi mpofu," conse. Bupusano nshi ico cipanga? Suminenifye ubulayo bwakwa Lesa nokunina pali cena.

<sup>244</sup> Natusende icimuti icikulu, nokucensha pansi apa, nokulemba pamulu waciko ukutila, "Ipepo lya citetekelo nalipepwa muno bushiku; Ndi nokunina pali lyena. Baibele itila, 'Ipepo lya citetekelo likapususha abalwele, kibili Lesa akamwimya. Nga alicitile ulubembu, luli no kubelwelwo luse.' Ndeendela pali lyena. Ndecetekela lyena."

<sup>245</sup> Nga namucita icilubo, nga namufuma munshila muno bushiku, "Uyo uufimba imembu shakwe takatunguluke. Lelo uyo uukatumbula imembu akabelelwa uluse." Mulandu nshi ushinga tumbwila?

"Ukuba, ni cinshi ico Ningile ukucita, Munyina Branham?"

<sup>246</sup> Ulutumbule, kibili uninepo. Lesa alilandile ico. Cikakufumyako kulubembu lobe.

<sup>247</sup> Bushe uyo muntu ali muno muno bushiku, uyo ushatala abikako ukusubila kwabo ukwine kwine muli Lesa pepusukilo lya mweo wenu, kibili imwe kuti mwatemwa ukumibukisha mwipepo ilyo tuleisala? Bushe kuti mwaimyafye ukuboko kwenu, ukutila, "Mpepelako, Munyina Branham. Ndefwaya ntamfyе amasakamiko yandi." Lesa akupale. Lesa akupale. "Ndefwaya ukuposa..." Lesa akupale, mayo. "Ndefwaya ukuposa amasakamiko yandi." Lesa akupale, munyina. Lesa akupale kunuma uko, mukwai. Lesa akupale, na mayo wa caice. Cisuma. Ico nacilungama. Lesa akupale. "Ndefwaya mpose amasakamiko yandi pali Ena kibili ukuninafye pa bulayo Bwakwe nomba. Ndecetekela ukutila Ena alilaile, 'Uyo ukesa kuli Ine, Nshakamutamfyе.'"

<sup>248</sup> "Tefintu Ndeumfwa, 'Nali pepelelwa mailo ubushiku, Munyina Branham; Nshile umfwako bwino.'" Ico tacakwatapo icintu nangu cimo icakucita na cena. Ine nshilenina pa myumfwile yandi. Ine ndenina pa Cebo Cakwe. Cena bulayo Bwakwe.

<sup>249</sup> "Munyina Branham, Nali ku cipailo, imiku ine nangu isano, ukwesha ukupokelela Mupashi wa Mushilo. Nshatalile Ukwata."

<sup>250</sup> Ico tacileplibula icintu cimo. Wikalefye uwalungama pa mulando, wena ulekuleta uwalungatana bwino ukuya ku nkambi, mu nkambi ya Mabeli, mu nkambi yaba shila. Uli nokufika palya. Wikalefye pa mulando obe, nokubilikisha kabilo nokulanda amalumbo yakwa Lesa ukwkatishafye pamaka nga fintu wingacita. Iyo enshila yakucitilamo ico.

<sup>251</sup> Ilyo tukonteke imitwe yesu, bushe icine cine ulefwaya ukwendela pali wena? Nomba, kalya akantu kanono akalelila pa mutima obe, bushe kuti waisa kuno no kwiminina ku cipailo pakashita akanono kabilo uleke tukupepeleko nokubika amaboko pali imwe? Twalaba abansansa pakwisa kwenu.

<sup>252</sup> Natubule kalya akantu kanono kabikilwe ukushinguluka umutima obe munshita ino iyabishiku, nokutila, "Iwe nawishiba, naulufyanya. Nomba imyako ukuboko." Nacilungama ico.

<sup>253</sup> Iwe wacinyanta pa mulando, umulando wa bulayo Bwakwe; pacimuti, icapindama cilya icaputwilwe nokuwa pansi. Bikeni amaboko yenu ukushinguluka ici icapindama nomba. Enda bwino ukwisa pano nokutila, "Nomba Nalanina pali wena. Nomba line Nala cicetekela. Nala cipokelela. Nacicetekela. Nshakatale cinja. Ine nakulaikala bwino pamo ne Cebo, mpaka ulya umo ashininkishiwa. Kabilo nomba panuma ulya umo ashininkishiwa, Ndino kufika bwino kulya nokusenda umbi umo, kabilo nokutampa ukuninapo palya pene." Mwamona?

<sup>254</sup> Kabilo icebo ne cebo, ulutampulo no lutampulo, uli no kukwata ifintu fyonse ifyo Lesa alaile iwe. "Pantu ifintu fyonse kuti fyacitwa," kuli ena uyo uuli no kunina pali cena. Nina pabalayo Bwakwe, pantu cintu cashininkishiwa ukukutwala ku nkambi. Cena cili no kutwala iwe mu Kubapo kwakwa Lesa.

<sup>255</sup> Bushe kuti waisa nomba ilyo tukontamikeko imitwe yesu? Nokwipusha pali umo umuntu uwingafwaya ukwiminina pa cipailo, pakashita akanonofye mwipepo.

<sup>256</sup> "Ninina pali cena, Shikulu. Shikulu, Nincetekela. Fyonse ifya kutwishiwa fyandi fyashikwa mukafukauka. Shikulu, Naissa. Nincetekela ico. Naiminina bwino pa Cebo munshita ino iyabushiku, kabilo Nacetekela cena no mutima wandi onse. Ine na Misendafye pa Cebo Cenu."

<sup>257</sup> Umo umwanakashi uwawama naiminina pano pa cipailo, uku—uku shininkisha kuli Lesa ukutila apilibwile umulimo. Bushe kuti waisa, mwebacibe ne mitwe yenu iyakontama, na maboko yenu nayasumbulwa mu muulu, kabilo mwacilafwaya ukumibukishako mu mapepo? Bushe kuti mwaendako nokwisa pano? Lesa amipale. Isenifye. Efyo cifwile ukuba ifyo. Iseni pano pene nokwimina. Mutile, "Nalanina pali cena. Lesa, Imwe mwapangile ubulayo, icintu cimo cacikonkonsha pa mutima wandi, kabilo Nalaisa nomba line nokwikalila pali ico. Kabilo Ndi nokwikala palya pene pali cena mpaka cena cikandete

bwino ku nkambi. Ndeisa kulya kwine ku nkambi iyaba shila Iya wa Pulamo.” Lesa amipale. Ico cisuma. Isa nombaline, iwe weulefwaya ukunina pali cena. Munshilafye ubelelemo, “Ifyo fine Ndi, ukwabula ukupapata kumo.”

<sup>258</sup> Ibukisheni. Mwatila, “Bushe cilya cimuti?” Ee. Kwali icimuti ica temwenwe pano kuwila pansi, pansi imo, kabili cena cabikilwe nakabili pa Kalbale. Tolokelafye pali cilya cimuti muno bushiku, pamo nobulayo bwakwa Lesa, i Cebo cilya ica kobeme pa cimuti.

<sup>259</sup> Ndeenda pali cena. Nincetekela cena, nomutima wandi onse. Ndefwaya ukucita ifingi ilyo njishile pamo kabili nokuposhanya mu mabako yaba bwananyina.

<sup>260</sup> Lesa amupale, pakwiminina kwenu ukwa bulamba. Ndefwaya imwe ukwikala pano, pakashita akanono, ilyo tulepepa. Lesa akupale, munyinane. Nkashi yandi umusuma, Lesa akupale. Shikulu Yesu...?... Lesa akupale, munyinane. Lesa akupale, nkashi. “Ntungululeni.” Amitungulule pakwabuka umumana.

<sup>261</sup> Ibukisheni, ngo mubomfi wakwa Kristu, Ine ndi uwashingamwa pakushimikila kwa Cebo. Ine ndi uwashingamwa pa bunte bwandi. Kabili Nalaiminina pano munshita ino iyabushiku...

<sup>262</sup> Kabili umuntu wa myaka amakumi yasano-na isano, nangu amakumi yasano-na iitatu iyakufyalwa, nkaba amakumi yasano-na iine muli Shinde, kabili ukwiminina pano nokwishiha ukutila, nangu fye ici icimonwa cakulekelesha, cena limbi kuti caba inshiku ishinono ishakulekelesha kwandi pe sonde. Ine—Ine limbi kuti namisha mu nshiku ishinono. Nshishibe ifyo cilepilibula. Umfweni fye kuli tepu no kusondolwela kwenu mwebene. Nshishibe ifyo cilepilibula. Kuti Naiminina pano, kabili lubali lumo ukucetekela ukuti shena limbi kuti shaba imbila shandi ishakulekelesha Ndeshimikila, ali muno mwine mu Phoenix, no kulanda icintu cimo ico icilubene, kabili wishibe ukutila ubwikashi bwandi buli kulya lubali kwi shilya, kabili Ndi nokupingulwa ukupitila mu fyebo fyandi?

<sup>263</sup> Ba munyinane, lekeni nande ici kuli imwe, nenkashi shandi. Mulaba mumisonkano. Namwishiba ifyo, ukulingulula ne fintu. Bushe Nalitala landapo icintu icili conse kuli imwe, mwi Shina lyakwa Shikulu, lelo icisa mukufikilishiwa? Ine kuti naipusha uuli onse. Iyo, mukwai. Ukushinguluka isonde, kabili ne fimonwa amakana, takwatala akuba. Kabili Ndemyeba icine muno nshita ya bushiku, u Mulopa wakwa Yesu Kristu wingo kabili walilinga icakutila wena ulafumyapo itoni lyonse, kabili wena uli nokuba.

Kuli akafukauka kaisulamo u Mulopa, (Kabili  
iwe nawiminina pali Kena nomba.)  
Akalefuma mu mishipa shipa yakwa Imanueli,  
(Icintu fye cimo ica shininkishiwa ico  
icashala pe sonde.)  
Umo ababembu ngabaingilamo pe samba lya  
lyeshi,  
Balufya yonse amatoni yakusekwa kwabo.

<sup>264</sup> Nalaipusha aba bakapyunga nomba, naba bwananyina, ngacakutila kuti mwaendako ukwisa pano pakati ka aba bantu. Uyo onse engaba... Bushe iyo enhsila, imwe muleta ba kapyunga ukupepele abantu? Bonse bakapyunga abali muno, nomba, abo abalefwaya, abalekabilo ukumona imyeo yapusuka, iseni pano nokwiminina nge bumba lya mapepo, apo twinga ikaka capamo palwesu, nokufumako ku fintu fyonse fimbi, kabili nokwiipatulako ifwe fwebene beka. Aba baume nabananakashi abo abalakakatika ubwikashi bwabo, ino nshita yabushiku, ukupitila mu Mulopa wa kwa Yesu Kristu, ukusendelafye Ena pa Cebo Cakwe, ukuya bwino Mukubapo Kwakwe, pa Cebo Cakwe, nokutila, “Ine Ndipano, Shikulu. Nshikwete nangu cimo icakupela lelo kano nemwine, kabili mbuleni.” Bushe kuti waisa nokwiminina pamo na bena, ngacakutila kuti wacita ico? Umuntu uli onse uulefwaya, isa nokwiminina. Lesa amipale, mweba bwananyina bandi. Ico ca maka ayasuma. Nalitemwa ukumona bantu ababulamba, abo abakwata ukukabilo kwa myeo. Ndemonia, mweba bwana nyina bandi, ico cisuma. Isa nomba line pano. Ico cisuma. Iminina apo pene. Lekeni nombafye... .

<sup>265</sup> Ngacakuti kalisha wa cinanda kuti alisha ulwimbo, ngacakutila ena kuti acita, natwimbe ulu lwimbo, mu busuma nomba, mukukana pena, mumuchishi.

<sup>266</sup> Ifwe tatuleisa ku cintu cimo icakutunganyafye. Tatuleisa kucintu cimo ico icabafye i—i—i cakupanga fye ukucetekela. Lelo tuleisa mu Kubapo ukwakwa Lesa, uusangwa konse Yehovah Lesa, Uyo uwalaya, ukutila, “Apo ponse babili nangu batatu balongene mwi Shina Lyandi, apo epo Ndi pakati kabo.” Landa kuli Ena kwati nifulya ulanda kuli cibusa obe, utile, “Shikulu, Njeeleniko. Nalibembuka.” Kabili twalaimba.

Kuli Akafuka uka kaisulamo u Mulopa,  
Akalefuma mu mishipashipa yakwa Imanueli,  
Umo ababembu ngabaingilamo pe samba lya  
Lyeshi,  
Balufya yonse amatoni yakusekwa kwabo.

Ulya umupupu wafwa asekelemo pakumona  
Kalya Akafukauka ka mubushiku bwakwe;

Kulya lekeni Ine, nangu ndi uwabipa nga ena,  
 Musambe shonse imembu shandi  
 ukushifumyapo.

Ukufuma palya mu cicetekelo Namwene kalya  
 Akamana  
 Ifilonda fyenu filapela,  
 Ukutemwa kwa bulubulo ekwaba umutwe  
 wandi,  
 Kibili kuli nokuba mpaka Nkafwe.

<sup>267</sup> Beni fye abanono abaicefyा nomba. Imwe tamuli nangu cimo. Tapali nangu umo uuli icintu. Kibili mucishinkafye nomba, ne mitima yenu yonse, kontamikenifye imitima yenu ne mitwe, konse uko muli, monse mucikulwa.

<sup>268</sup> Taata wesu mweba mu Myuulu, Nalishiba ukutila i Fyebo Fyenu fya cine nganshi. Tafifilwa. Fyena Fyebo fyakwa Lesa. Fyena ni Lesa. Kibili Imwe mwatile, “Uyo uleisa kuli Ine, Nshakamutafye munshila ili yonse.” Kibili aba abaume nabananakashi, pe samba lyakushininwa, ukwisha ukutila bena tabali abalungama, bena nabena ukwisa kuntanshi, muno bushiku, Shikulu, ukwisa lapila ukutila balilufyanya, ukwisha ukutila bena nabemishiwa ne myumfwile imo iyamukati iyo—iyo iibetile ukwisa ku Kafuka uka. Kibili beminine pano, ne mitwe iyakontama ne mitima, ukwisa nwako ku Menshi ya Mweo, ukwabula ukushita, ayo Lesa alaya. Bapokeleleni, Taata, mu Bufumu Bwenu. Bena Benu.

<sup>269</sup> Imwe mwatile, “Takuli umuntu uwingesa kuli Ine kano Taata Wandi amuleta mukubalilapo. Kibili nabonse abo Taata Ampela bali nokwisa kuli Ine.” Kibili cilelangisha ukutila Lesa alipela aba kuli Kristu, ukuba icabupe cakutemwa. Kibili apa nabeminina, Shikulu. “Takuli umuntu uwingabafumya mukuboko Kwandi.” Kibili Napepa, mwe Lesa, ukutila Mwala bacingilia muno bushiku, ilyo beminine pano, kibili bapeleli ulubatisho lwa Mupashi wa Mushilo ilyo bali pano pa cipailo.

<sup>270</sup> Lekeni amaka yakalamba ayakwa Kristu yesule nganshi mu myeo yabo nomba! Bacipanga ukulanda kwabo. Nabesa ku ntanshi. Mwatile, “Ena uyo uuli noku Nanda ku bantu, ena Nkamulanda kuli Taata Wandi nakuli ba Malaika ba mushilo.” Twalishiba ukutila umulimo waliba uwa citwa kale.

<sup>271</sup> Nomba, Shikulu, bakakatikeni mu Bufumu bwa bulayo, ubwa Mupashi wa Mushilo. Fikilisheni ico, Shikulu. Pongololemi u Mupashi Wenu pali bena, kibili besusheni no Mupashi uwakwa Lesa wa mweo, ukutila bena bengaba ubunte bwa mweo munshiku shabo shonse isha myeo yabo, mu Bufumu bwakwa Lesa.

<sup>272</sup> Nomba lekeni abantu bonse beminineko. Umuntu onse abe mwiipepo nomba. Twalapepa ukutila aba . . .

<sup>273</sup> Nomba, cila umo uwishile pano muli ino nshita yabushiku, uleumfwa ukutila wacikwata ulubembu pa mutima obe, nomba takuli icintu nangu cimo ico iwe wingacita lelo kucetekela fye ico. Uwa Mushilo. . . Iwe kupokelelafye *Ici* noku cetekelafye. *Ici* e cicetekelo, ico uwfile ukupokelela. Yesu atile, “Takuli umuntu nangu umo uwingesa kuli *Ine* kano Taata Wandi amuleta kuli ine mukubalilapo. Kibili na bonse abo abaleisa kuli *Ine*,” Ena ali nokubapokelela. Tekuti acite icintu cimbi, pantu Alaile ico. Mwamona? Taufwile ukwimina pa cakumfwa mumubili nomba. Wiminefye pa Cebo Cakwe. Mwamona? I Cebo efyo calanda.

<sup>274</sup> “Ena uyo uumfwa Ifyebo Fyandi nokucetekela pali Ena ulya uwa Ntumine, nakwata,” inshita ino ine, “Umweo wa muyayaya, kibili tali nokwisa mu Bupingushi, lelo napula ukufuma mu mfwa ukuya mu Mweo.” Mupashi wa Mushilo kwishiba kwa kwisulamo kibili nokupelwa amaka yakubomba umulimo. Lelo ukulapila no kupokelela Kristu kukwata icicetekelo nokulapila, kibili nokumfwa uwakaele ukutila Lesa nakwelela iwe pa membu shobe.

<sup>275</sup> Kibili pa kwiminina pa Cebo Cakwe, Atile, “Takuli umuntu uwingesa kano Taata Wandi amuleta mukubalilapo.” Mwamona? Nomba, Lesa nakuleta, mukubalilapo. “Kibili naonse uukesa kuli *Ine* Nshakatale mutamfya.” Mwamona? Mwamona? Iwe—iwe naupokelela ico. Icintufye cimo, iwe ukwete. . .

<sup>276</sup> Ena—Ena afwilile iwe. Imembu shobe shaelelwe, ikana limo nemyanda pabula imyaka yapitapo. Iwe nomba fye kwisa nokupokelela ico Ena acitile iwe. Mwamona? Kibili bushe naucetekela ukutila Afwilile pa membu shobe? Bushe walampokelala Ena nge cikonsolwelo cobe? Mu mashawi yambi, wamupokelela Ena, ngo Wasendele imembu shobe.

<sup>277</sup> Bushe uli nensansa noku Mutotela pakusenda ulubembu lobe? Bushe naucetekela Alicita ico? Nomba imyakofye ukuboko kobe, nokutila, “Nincetekela ukutila Alasenda ulubembu lwandi,” ameni, “alisenda ulubembu lwandi.” Nacilungama.

<sup>278</sup> Nomba, iwe waba uwakwiminina pa lubatisho lwa Mupashi wa Mushilo.

<sup>279</sup> Ngacakutila tawapokelela ulubatisho lwa bwina Kristu, umo pali aba abantu pano alemona ukutila, iwe wakwata ulubatisho lwa bwina Kristu.

<sup>280</sup> Lelo nomba, “Ilyo Petro acili alelanda aya amashiwi,” ilyo tabala batishiwa, “ilyo Petro alelanda aya amashiwi, Mupashi wa Mushilo aponene pali bena.” Mulandu nshi? Bonse bali pesamba lyakwenekela. Nomba iwe uuli pesamba lyakwenekela. Ulefwaya Icintu cimo nomba ico icili—ico icili noku kakatika iwe mu Bufumu bwakwa Lesa, Icintu cimo ico icifwile caba icituntulu kuli iwe. Iwe ulefwaya uku-... Bushe taufwaya ukupokelela Mupashi wa Mushilo, onse umo pali imwe? Bushe

tamufwaya Wena? Icine cine, mulafwaya. Ayo maka ayamisunga. Mwamona?

Bena balongene mu muputule wapa muulu,  
 Balepepela mwi Shina Lyakwe, ilya...  
 Babatishiwe no Mupashi wa Mushilo,  
 Kibili amaka yakubomba umulimo yaishile.

<sup>281</sup> Mwamona? Oh, ico eco mulefwaya nomba. Kibili kuti mwacikwata, nomba line. Cena cenu, nomba line.

<sup>282</sup> Nomba, mwe babwananyina, iseni. Lekeni, umuntu onse nomba, abike amaboko yakwe pali aba ababwana nyina, kibili mupepe ukutila bapokelele u Mupashi wa Mushilo. Mwende ukwisa kuno, mweba bwana nyina. Mwende ukwisa kuno.

<sup>283</sup> Nomba, ulukuta lonse, imyeniko amaboko yenu, umuntu onse! . . . ? . . .

<sup>284</sup> Mwe Taata wesu uwamu Myuulu, mwi Shina lyakwa Shikulu Yesu Kristu, isusheni umutima onse pano no lubatisho lwa Mupashi wa Mushilo.

<sup>285</sup> Pokeleleni Mupashi wa Mushilo. Pokeleleni Mupshi wa Mushilo, mwe bantu pano abo abeminine nokulolela Úkubapo kibili na maka yakwa Lesa ukwisula mu myeo yabo. 

*IPENGA NGA LYALILA ICILILELILE* BEM63-0114  
(A Trumpet Gives An Uncertain Sound)

Iyi Mbila na Munyina William Marrion Branham yaletelwe intendekelo mu Cingeleshi pali Cimo icungulo bushiku, mu Kabengele kanono pa 14, mu 1963, ku Christian Assembly mu Phoenix, Arizona, U.S.A., yafumishiwa muli tape iyambulwa kibili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb iifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)